

স্মৃতি কুমার ছোটগল্প

প্রথম খণ্ড

বিশ্বপ্রিয়া মণিপুরী সাহিত্য সভা

বি, ষ, সা, স, গ্রন্থমালা ৪ গ্রন্থসংখ্যা— ২

স্মৃতিকুমারর ছোটগল্প

প্রথম খণ্ড

সঙ্কলক—

শ্রীকালীপ্রসাদ সিংহ

বিষ্ণুপ্রিয়া মণিপুরী সাহিত্য সভা

১৯৮৮

“SMRITI KUMARAR CHOTAGALPA”

a collection of short stories in Bishnupriya Manipuri
written by SMRITI KUMAR SINHA

© Copy right reserved by the author

পইলা সংস্কৰণ

১৩ই এপ্রিল, ১৯৮৮ ইং

প্রকাশনাত

ড° কালীপ্রসাদ সিংহ

বিষ্ণুপ্রিয়া মণিপুরী সাহিত্য সভা

ছাপানিত

জ্যোতি প্রিন্টার্স,

গুৱাহাটী-২১

মলাটর রূপকার

শ্রীকান্ত সিংহ

দাম : ৰূপা দশহান

স্মৃতিতর্পন : ৬ অঞ্জলী সিংহ গিথানকরাং



ছকাঙ পিয়েই,

তি মোর সাহিত্যচর্চার প্রেরণার বর্তীণ । কনাককালেই
য়ারিলে। বিশ্বসাহিত্যর দুয়ারহান খুলেদেছিলে । করপেখ আকারে
থাইতেই মোর গল্প এতার রসগ্রহণ বরিয়া উৎসাহ দেছিলে,
গ্রন্থাকারে দেহানির আশা থছিলে— পূরণ করে হুরারেছিলু ।
ঔহানে, তোর শ্মশানর নিভা বর্তীণর ছালি ধরিয়া তোর আত্মা-
গরাং গ্রন্থাকারে খুন্তল দেনার প্রতিজ্ঞা করেছিলু । আজি মোর
পইলা গল্প গ্রন্থ এহান তোর নিঙে স্মৃতিতর্পন দিয়া প্রতিজ্ঞা
পালন করুরি ।

—স্মৃতিকুমার—

লেখকর আর আর লেখিক
(প্রকাশর পথে)

স্মৃতিকুমারর ছোটগল্প (২য় খণ্ড)

ছবি : দুহান চিত্রকল্প
ঘাস মাটির সল
গুরুগি
আধুনিক কবির গিথানক
মন্দিলার তিরাষ
মরা গাটর মাছ
বারো আরাকৌ ছোটগল্প

উপন্যাস

জয়া
বাহন

নাটক

চেতক

ভূমিকা

‘বিষ্ণুপ্রিয়া মণিপুরী সাহিত্য সভা’-র তরফে বিষ্ণুপ্রিয়া মণিপুরী ছোটগল্প, নাটিকা, কবিতা, এলা ইত্যাদির সংকলন খানি প্রকাশ করানির পরিকল্পনা নিয়াছিগা। বর্তমান সংকলনে শ্রীস্বতীকুমার সিংহর ছোটগল্পর প্রথম খণ্ড প্রকাশ করানি অ’ইল। এ ছোটগল্পর অনেকহান ফাগু, বরাকপ্রবাহ, ভুবনমেলা ইত্যাদি পত্রিকাত প্রকাশিত অ’ছিল; বর্তমান সংকলনে উতার লগে নুৱা গল্প কতোহানো সংযোজিত করানি অ’ইল। বিভিন্ন কারণে শ্রীমান স্বতীকুমারর পরিণত আ’তর আকর্ষণীয় লেখা কতোহান এ খণ্ডত সংযোজিত করে নুৱারানিয়ে আমাৰ মানসিক অতৃপ্তি আহানি থাইল। তবে ঐ পরিণত আ’তর লেখা উহানিলো ‘স্বতীকুমারর ছোটগল্প’র দ্বিতীয় খণ্ড আহান প্রকাশ করানির ইচ্ছা আছে।

প্রচ্ছদর চিত্রকার শ্রীমান শ্রীকান্ত সিংহর প্রতি কৃতজ্ঞতা থাইল।

শ্রীকালীপ্রসাদ সিংহ

॥ সূচীপত্র ॥

কৈধকপৌ	১
কৌহাঙ	৬
গত নেই ফুল	৯
মণিদা বেলেয়া গেলগা	১৬
কাঠগড়াত যেবাকা বাপক	২৪
মিমাঙে কানার কেইরাক	৩০
মেস্তরী ধাজোর মরণ	৪৭
পলাঙ	৫৫

কেথকপী

আজি অফিস ছুটির পিছে বাসাদে আলথক অয়া আহুরিতা । পথগর বাউকহান লালইতেই খেলনার দুকান আহানর মুণ্ডে দুশ্য আহান আহিত পড়িল । মি খাওইলু । ছয় বছরী নিওলশৌ আগ কসর দৌ আগুলি উরহানাত করিয়া মালকর তুলো দুকানহানাত নিকুলিয়া আহিলী । তেই উরহানর শৌগরে হম্ হম্ বুলিয়া লরা লরা ঠেমকরিরী । হাদি হাদিতও জামাহানর চুটি আগলো শৌগর মেইথওহান পুছে দিরী । মি উবা অইলু—কেথকপী সিরকো মোর মুণ্ডে অয়া আংকরলগা, ‘কাকা কুলাং?’ মালতী বইজী থক্ উবা অইলী—‘অ শশী আইলেতা ।’ তেইর আহিথম লিকলির সাদানে চিকচিক । মি চেয়া থাইলু । শৌগ মালকর লগে রিক্সাহানাত কামা গেলীগা । মোর এবদে মিলেও আহানও নাদল । মিও বাসাদে সালইলু । চারিবছর আগে কেথকপীরকা পনর টাকা পচাত্তইর পইসা দিয়া অবিকল এসাদে দৌ আগ লছিলু । পি, ডাব্লিউ ডিমাৰ্টমেন্টে জয়েন করিয়া পইলা মাহার বেতন পাছিলু দিনহান । হান্ন, মে মাহার তিন তারিখ । নাহ্, হুদা ওদিনকার কথাতে কিয়া ; আজি কেথকপীরেলো য়ারিহান দেনাত লেপইলু মাহিতে খানি আগহানাত অকরিং ওতাইলে য়ারিহানও মৃতী পালইতই, মিও খোলাশা করিয়া মাতিয়া শান্তি আকচুটি পেইতৌ ।

হায়, বাবা শিলচরে চাকুরি করল হাকতাকহান । ওবাকা যে ঘরগত আমি ভাড়া দিয়া আছিলাও, ওগর কাদার কুঠা আগত আছিলাতা নরেন্দ্রদা বারো মালতী বইজিগাছি । কেতকী বুলিয়া তানুরতা পাচছয় বছরর নিওলশৌ আগ আছিলী । কেতকী তানুর পইলা বারো একমাত্র শৌগ । শৌগ মোর লগে কতিতে চামা আছিলী

বুলে, উপায় নেই। ঔহান মি চাকুরি নাপেয়া ফেরফেরি বুললু তাজাহান। আজিও ইন্টারভিউ কালিও ইন্টারভিউ বুলে বুলে কতদিন স্বরফাম চেয়া যাতা করলু হিসাব নেই। শৌগোর বারো দস্তর আহান, মি আকগদে সালয়া নিকুললে, যেপেইতো থাক ধাবদে আয়া 'কাকা কুলাং' বুলিয়া সৈ-ন'য়া আংকরলগ। 'ইন্টারভিউ দেনাতনাই' বুলানি ছাড়া মোরতাও আর কথা নেয়ছিল। কতদিন বারো ঔসাদে ধাবদে মুণ্ডে উবাইতেগা মালকে মাতল 'হেই, ইন্টারভিউ দেনাত যারগাগরে মুণ্ডে না থেৎকরিগা এগদে আয়।' ইন্টারভিউ শব্দ এগ হুনতে হুনতে তেইরতা মনে কিহান উদয় অইল, পিছেদেতে মোরে হুদা কাকা নাবুলিয়া 'ইন্তাভু কাকা' বুলিয়া ডাহানি অকরল। যেহানাতও 'অ ইন্তাভু কাকা, অ ইন্তাভু কাকা' এহানলো কান কালুরা করে বেলল। মি বারো ইমা বাবা বারো ইচেগাছির মুণ্ডে ঔতা বুলিয়া ডাকবতাই লাজহানে থাইল পথ নাপেয়া 'হুস্বলি (৯)' গর সাদানে কলঠা অয়া থাওকরলুতা। আকদিনতে কিতায়াথাও তেইরে কেতকা নাবুলিয়া কেথকপী বুলিয়াহে ডাহে বেললু হাফ-কো ফুলিয়া থাইলী এহান মোর লগে টটরানি পেয়া বন্।

'এয়া পেইলু; তেইরে জব্দ করানির পথ আগতে পেইলু। মনে মনে মি হারৌ অইলু। এখুরুমতে তেই ইমে 'ইন্তাভু কাকা' বুলিয়া ডাকলেই মিও 'কিগ কেথকপী' বুলিমতাইতে একেবারে চুপ। মিতে, মাতানিও হবানেইছাৎ, শৌ জুকানি খানি গারগ। তেইর সৌঅনি ঔহান চানা মনেয়া যেহানাতৌ কেথকপী কেথকপী বুলিয়া ডাহানিয়ে আকয়া পিছেদেতে ইমে ঔহানে তেইর বানার নাওহান অ পড়িলগা। এমনকি তেইর ইমা বাবাও আদত নাওহান পাহুরিয়া ইমে ঔ নাও ঔহানলো ডাহানি অকরলা। পিছে পিছে তেইও আর না সৌঅইলী, মিও ইন্তাভু কাকা বুললে আর লাজ নাপেইলু। অবশ্য মি যেগদে নিকুললেও কুরাং কুরাং বুলিয়া আংকরিরী এহানর পিঠিত যারী শৌ আহান থাইলতা—তেই এগ হুরকাং শৌর সালেদে মরিও বুলল। পথগদে আগই হুরকাং শৌ লয়া নিতেগা দেখলেই উরে লনারকা ঠৈমামি চৈঅয়া নাজিরেয়া কাদে পারল। আকদিন ঔসাদে কাফামে তেইরে চেম-

করানির সালেদে মাতলু, হি কেথকপী, নাকাদি । ঔগতে হবাও নাছে । মি তোরকা বুলিয়া দুকানেত্ত হব্বা হুরকাও শৌ আগ আনেইতৌ ।' ঔদিনেত্ত আগদে সালইতে দেখলেই ধাবদে আয়া 'কুলাং' বুলিয়া আংকরানির হাদিয়েদে সির্‌করে দৌগর কথাহান নিঙশিঙ করে দিরী মিও হারপেইলু, মিও মনেইলু তেইরে খৌরা-ওপা খুতলহান আতে দিয়া • তেইর অসীম হারৌর অংশীদার অনা কিন্তু সামর্থ কই ? কুনোরকম ইমা-ইচেগাছিরাতো পেইলু জলার রূপা ঔহানিতে চাকুরির দরখাস্তর লগে হুদা বাংক ড্রাফ্ট, পোস্টেল অর্ডার, ট্রেজারি চালান এতাকিতা দিয়াপেঠেইতৌ নাইলগা । মি বেকারগ এহান অবুঝ শৌগুলিয়ে হারনাপেইল । হারনাপেইল ইস্তাভু কাকার পাম্পলগি বলিল বলিল অইলেও তা কতি সলগ । দুকানেদেত্ত ঘরে আলথক অইলেই তেই আতহানিদে আশা আক-চুটিলো রেওকরে চেইল । মোর হুদালা আতহানি তেইর আহির-পাতাহানি বারে বারে মাঠিয়েদে কির করে লামা দিল । তেই কিতা বিছারেইরী আরতাই হারনাপেইলেও মিতে হারপেইলু । আকদিন খালকরলু 'যেতা অইলতার অইতই তেইর দৌ আগহে নিয়া দিওগা ।' কিন্তু ঠিক ঔ মিকুপে মোর আহিগিত বাহিল পেনসন পানা বিত্তা অছে বাবার পিঙালা আহিথম, বিয়া নাদেছি মোর জেতিবনক ঔএর উচয়া নিকুলেছে লেম্পালর আড়গি, নুব্বারাচেলপী ইমার সিংলেয়ে ছাছে আতহানি । মি আনচিল অইলু ।

যেতাও অক, করিমগঞ্জে এ চাকুরি এহান পেয়া জয়েন করাত অইলু দিন ঔহান তেইরে মাতলু, 'এ ঃ, এখুরুমতে হুরকাং হারকাং নাগই একেবারে ডাওর শৌগ, একগ পারাগ । প্রায় পনরদিন পিছে মালতী বইজির চিঠি আহান পেইলু । চিঠি ঔহানাত বইজিয়ে মাতেছেতা— 'অনথককো হিন আহানাত বেললেকো । কিগ আগ আনেদিতেই বুলেছত এবাকাতে তোর কেথকপীতে তি আহিতেই বুলিয়া দিনরাতি মাংকলে বয়া বাছেয়া থাইরী । 'কইতে নাও আনেদের নাও আনেদের এহানলো জ্বালেয়া খেইল । অংলাক কিতা হিয়া জুতজাত অয়া. থাইলী, আনেদিবেনাই ।'

চিঠি ঔহান পেয়া কেথকপীরে দেহানির খৌরাও ঔহান মোরতা

আরাকৌ জ্বর অইল । বেতন পেয়াও লগে লগে শিলচরে অইলু । দুকানেত্ত ডাঙর দৌ আগ লয়া বাসাত গেলুগা । মালতী বইজি দারির পটগত বয়া আছে । মাদানে ঘুমন্ত উঠিয়া পাউরি চুলও অউলি জউলি বারো আহিগিও ফুলা ফুলা আছে । মোরে পেইরাক মুণ্ডে দেহিয়া থক্ক উবা অইলী । মাতল, ‘অ শশী আইলেতা !’ তেইর আহিথম লিকলির সাদানে চিকচিক । ‘বইজি কই কেথকপীতে ? দৌগ দেহেয়া মাতলু, ‘এরে তেইর শৌগ আনে দিলু ডাহে দে । অংলাক কিতা—’

‘চেইক চেইক ।’ শৌগ মোরাংতো লয়া চেয়া মাতল, ‘হইমা কতি হবা অছেতা । কেথকপীয়ে দেখলে যে হারৌ অইতই । বাছা, ডাহে দিও ।’ ঘরে ভিতরেদে আক কাকেই আগুরেয়া বারো দিঠি বুলন দিল । অনথকপা আহানি আহান দিয়া মাতল, মোর লগে নৌবাও করিয়া নাটটরেয়া বয়া অছেতানা । এগ দেখলেতে ফালদিয়া আহিতই । বাছা ডাহিয়া আনিঙগা ।

দৌগ কলকরিয়া ধরিয়া মালতী বইজি ঘরে হমেইলীগা । মোর নারগ হুনিয়া আমার ঘরেত্ত ডাঙর ইচে নিকুলিয়া আয়া মাতল, ‘হাঃ শশী ! এমাটিক ডিলয়া আইলেতা । আয় ঘরে আয় ।’

‘বাছা ইচে কেথকপীরে ডাহাত বইজি ভিতরে হমেইলীগা, নিকুলক ।’ মি মাতলু, ‘তেইর শৌগও আনে দিলুনাই ; এক্বাকা দুকানে জরম অইলীগ ।’

ইচের আহিথম খাংতা আহির পানিয়ে টিপ টিপ অইল । নিক্ক-রল অটগ দাতসুরির বাধনে পড়িয়া খামইল । তেই বারাদেচেয়া আংকরল, ‘টেলিগ্রামহান নাপাছত ?’ মোর বুক এগ থুক করল । মি ডরা ডরা আংকরলু, ‘ইচে কিতা অছেতা ?’

ইচেই কাদে কাদে মাতল, ‘কালি বিয়ানে পেইরাক জ্বিগ অয়া তাপ আহান উঠিল । মাদানেদে আরাকৌ জ্বর অইল আরো কেথকপীরে হাসপাতালে নিলাংগা, তোরে টেলিগ্রাম করলাং । ডাক্তারে মাতলা—এন্কোফেলাইটিস । আজি বিয়ানে—মরানির আগে পেয়া বিবিয়েইল কইতে নাও আনেদের নাও—

মোরতা আহিগি আধার অইল । জাঙর তলর মাটিহান নিরুরল ।
 ধাবদে মালতী বইজিগাছির ঘরে হমেয়া যেহান দেখলু ঔহান মি
 কিসার্দে হাজেয়া মাততু, মালতী বইজি, কেথকপীর মালক, দৌগ
 আকআতে বারো আরাক আতে কেথকপীর ফটকহান ধরিয়া মুকসি
 মুকসি দিয়া ফটকহানাত বয়া আছে কেথকপীরেই আছুলে আছুলে
 মায়ার সুরে ডাহিরী, 'কেথকপী, ইমা আয় । কিয়া ঔসাদে করু-
 রিতা । এচা তোর ইত্তাভু কাকাই তোর শৌগ আনে দিলতা ।
 কতি হবাছেতা । উরহানাত নালইতেই? দ-ল-দ-দনে কেথকপী
 কেথকপী ।'

—২১ জুলাই' ৭৯ ইং



কৌহাণ্ড

বনকরে চারি-পাচগ হমাজকে বেড়ি দিয়া হাজা দিতারা ঔহান লাঙো লাঙো চেয়া তাপ্প অ'য়া তেইর উরহান কালকরিয়া বিজনে আংকরল, “ইচে, কিয়া সালুরীতা?” কুনো জুরাব নাপেয়া তা নিজে মাতল, “খুপা ইচেত নাছানিকা?” সুদেবীয়ে কিতাও নামাতিয়া বেয়করে কলকরিয়া টপ টপ আহিরপানি বেলানি অ'করল। তেইরে হাজা দিতারা হমাজক ঔতা আগই মাতল, “হাঃ, আজি তো'র ইচের বিয়া হারনাপাছত? আজি আমি হাব্বিরে বেলেয়া দূরইত যিতইগা আরো আমি তেইরে হাজা দিয়ারতা।”

“না, নাও যিতইগা।” বারো বনকরে চেয়া মাতল, “না ইচে, নাও যিতেইগা থাতেই, না?”

হকগোই ডিফিয়া বনকে কিতাও মাতে নুরারিরী। তেইর হমাজক আগই মাতল, “হি—আবা, বিয়ার পিছেদে তো'র ইচেতে কিসাদে এপেইত থাইতইতা? তেইরেতে বরগই গাড়ীহানাত কাকরিয়া নিতইগাগতে।” “অইছ, নাদিতৌ।” বনকর উরহানাত থায়া তেইরে চেতকরে ধরিয়া চারি বছরর এ মাত্‌হারা শৌ এগই বিয়া সম্বন্ধে জগতর হাবিত্ত ডাঙর তার যুক্তি ঔহান তুপসাম করে মাতল, “উ”, কেতকীয়ে মিয়ে বর-কইনা খেলিয়ার উপেত মিতে—মিতে তেইর দৌগ নাও আনুরি। ইচেরেতে কিয়া নিতইগা? না দিতৌ?”

তার কথা এহান হুমিয়া মুকসি দিয়া আরাক হমাজক আগই ফাগি করিয়া মাতল, “তিহে কেতকীর দৌগ সাক্তি বুলিয়া নাও আনরতানাই, বর ঔগইতে তো'র ইচে হব্বা হান্তে যেসাদেও নিতইগা। তি নাদলেও তো'র ইচে যিতইগা।”

“না—নাও যিতইগা, নাও যিতইগা...” বনকর উরহানাত মেইখওহান লুকেয়া পেইরাক চিকারি দিয়া তা কাদানি অ'করল।

সুদেবীর যে হমাজকগই কথা এচুটি মাতল ঔগও থতোমতো খা পড়লিগা। তেই লাজপেয়া ঠেমকরানির সালেদে সুদেবীর উরহানাত তারে আছুল দেনারকা করতেই তা বনকরে চেতকরে ধরিয়া আরাকন্ত চিকারি দিয়া কাদানি অকরল। সুদেবীয়ে আকখুলা অবুঝ বেয়কর আহিরপানি নিজর ফুতির চুটিগেলো পুছে দিয়া মাতল, “না, না, নাও যিতৌগা বিজন, নাও যিতৌগা। যিকগা দ্যগই ঘুমজিয়া থাইকগা, যিকগা।”

তারে ঘুম লবানির সালেদে তেইও তেইর কুঠাগত গিয়া তারেলো ফামহানাত পড়লীগা।

হায়, বিদায়ক্ষণেই চুঅরতা ‘প্রেমর পূর্ণ অভয়ব। আজি এ বিদায়র মিকুপে ইমারূপী সুদেবীর ‘বাৎসল্য’ প্রেমও চানাপ্পা চুঅইল। বানায় চিচ্চুপা মাঠিহালো বিজনরে যমকরিয়া আজি তেই কত কথা নিঙশিঙ অইলী। তা জরম অনার পিছে নুঝারায় ভুগতে ভুগতে আজি প্রায় তিন বছর আগে মালকও আকদিন রাতি দৌ অইলী। আওকুরি কারতে কারতে ঠু অয়া বিজন অয়া আকদিন সুদেবীর উরহানাত নিশ্চিতে জিরেইলগা। ঔদিনেত্ত তেইই তার মালক, বনক—হাবিতা। সংসারর নিষ্ঠুর তরেইত পড়িয়া বুঝে যারগা এ অসহায় কৌহাও এহানিরে জিঙতা করতগা গিয়া তেই পইলা যৌবনর হারৌপা দিনহানি বিসর্জন দিল। নিজর হারৌ-পিয়ম পাহুরিয়া সারা জীবন তারে তেই বুকগত কলকরিয়া থয়া কনাকতো মালক নেয়নির এ জ্বালা হারপানি নাদতই বুলিয়া মনে মনে লেপকরেছিলী কিন্তু পারলতা? না। তেইর রূপ, যৌবন, বয়স, লোকলজ্জা হাবি তেইরে যেকনা করলা। যত তেইর বয়স গেলগা, তত নানা কথা, নানা বদনাম রটানি অকরল। খামইতেগা সমাজর রীতি ইলয়া বাপকর মেইথও থইতেগা গিয়া, য়েগরে তেই আকদিন উরহানাত নেছিলীগা ঔগরে লামলাকে লামা দিয়া নুঝা জীবনর পথে সালইলী।চারি বছর নিক্কা এসাদে তারে ঘুম লবেইল। তেই কাদাত ওয়া না মাঠিয়া দিলে তা সুপ ঘুমজানি নাকরল। আজি যে কথাহান ঠাচা করিয়া বিজন নিশ্চিতে ঘুমজেছে, সরল, ইশেঙশেঙ মনর ঠাচা ওহানরে নিষ্ঠুরভাবে আঘাত করিয়া তারে শেষ মাঠিয়াহান মূরেও জাও পেয়া জাপদে দিয়া ফুস ফুস করে কাদে কাদে তাপ্প ফামহানাত লামিয়া যাওরিগা

বুলতে সেই যানা নুঝারল। পিঠিয়েদেত্ত কুঙগই তেইর ইনাফিহানাত ধরিয়া আছুল দিল পারা। পিঠিবুলন দিয়া সুদেবী খাও লাগলী। বিজনে কুনোদিন নাকরেছে কাম আহান আজি কারছে। বনকরে তারাওতো কারলেয়া নিম্নাবেলতাইগা বুলিয়া দিয়ো আতলো তেইর ইনাফির চুটিগ চেতকরে ধরিয়া ঘুমজেছে। ওহান দেহানিয়ে বনকর আহিরপানির বাধগ ভাগিল। ঘুমাছে বিজনরে কলকরিয়া ধরিয়া তারে চুমাদে চুমাদে জলেনালডল অয়া কাদানি অকরল। মাত্র চারি বছরর বেয়কর কঙালা আতর বাধনহানাত নিজরে মুকানির নখহানি পারা শক্তিও তেইরতা নেয়ইল। তেইর কাদানি হুনিয়া হৌ কুঠাত হমাজকগাছি অয়া তাপ্প বিজনর আতর তারাহানির হাদিত ইনাফির চুটিগ ছুটেয়া, তেইরে জোর করিয়া সেচেয়া কুঙগদে নিলাগা। ঘুমে অচেতন বিজন হুদালা আতহানি আরাকও খানি চেতকরে ধরিয়া নিশ্চিত অয়া ফামহানাত আকখুলাগই পড়িয়া থাইল। তার কাপকগ পারা মেইথওহানাত বিন্দু বিন্দু অয়া সিলয়া থাইল বনকর হুদিমুজুরা আহিরপানির ফুটা।

রাতি নঙেইত, ঘুমর মাহাকে, হুঝার নার আগলো বিজনে বিবিয়েইল, “কেতকী চেতকো-চেতকো নে-নারবতা-” হয়ত তা হপনেদে দেখল, বর কইনা খেলার পিছে তার দৌগই তাজি তার কথা নাহুনিয়া কেতকীর দৌগরে তেইরাওতো কারলেয়া নেরগা বুলিয়া। হয়ত এ ঘটনাশৌ এহানে তার অচেতন মনহানরে খাওতা হজাক করে দিল। ওহানে পাউরি বিবিয়ানির ঠিক পিছে তারতা ঘুমহান বাগিলতা। তা ফিঙয়া উঠিয়া আতর তারাহানির হাদিত বনকর ইনাফিহানর চুটিগ নাপেয়া থকরে বহিল। আধার হানাত হাতরা হাতারা পইলা তাপ্প তাপ্প, পিছে চিকারি দিয়া “ইচে-ইচে” বুলিয়া কাদে কাদে ঘরগ হাবিত বিছারানি অকরল। চিলা-চিলা মনর উদালা বেদানাই ঘুম নেই তার একমাত্র হজাক প্রহরী, বাপকে, লেমগলো অয়া তারে উরহানাত লয়া ঠেম করানির হন্না করল। কিন্তু, দূরেইত কার গাড়ীর শব্দ আহান হুনানিয়ে তা বাপকর উরহানাত ফালদিয়া লামিল। “ইচেরে নিলগা—ইচেরে নিলগা আনেদেই-ইচে-ইচে-” বুলিয়া জাও আত ছিকেয়া ধুলিত গড়াগড়ি বেয়া পড়িয়া থাইল। বিজনর এ একীন ডাক বনকরেতে আনে নুঝারল, হুদা আনলতাই কাদাত উবাছে কলালখিপা বাপকর গালপাহুয়া আহিরপানির ভাগীরথী।

-২১ ই এপ্রিল, '৮০ইং

গত নেই ফুল

নিষ্কাকার সাদানে আজিও হিনানির পরে গোকুল কলাজারির তলে আয়া আকখুরুম উবা অইলগা। জুহানর আগাগ কামারেয়া কলাজাকহানাদে গার বাগিয়া চেইতে চেইতে পেইরাক হারৌ অয়া আতরছপা দিয়া ঘরেদে ধাবদিল। ঘরে গিয়া জেঠি বনক কুসুমেরে হাতেক করে ডাহিয়া মাতল, 'ইচে, কলা মজানি' অকলেছে।'

'হি।' বনকে আহিগি ডাওর ডাওর করিয়া মাতল, 'হুতুমেও?' 'হায় এলে চেয়া।' বনকেরে আতহানাত ধরিয়া তা মুণ্ডে অয়া ধাবদে ধাবদে কলাজারির তলে আনিয়া উবা করলগা। গজেদে আঙুলিগলো দেহু'রয়া মাতল; 'ওরে চা, আগ লাঙু'তা অছেতা।' 'হায়নারে!'' কুসুমে বারো বেয়করে চেয়া মাতল, 'হাঃ এমাটিক চিপাগত আছে ওগ তি কিসাদে দেখলেতা?!' গোকুল কিতাও নামাতিয়া কলার উগদে কৃপকরে চেয়া থাইল। কুৎ করে ছেপ গিলল। সেপ নাগই যেমন কলা ওগ আর জারে নু'রারিয়া টুল্টুপকো তার থতাহানাত পড়তেই আছুটাগ গিলল পারা। এ খেলতামে বাপকরে গাণ্টাহানাদে হমেইতে দেহিয়া কুসুমে বেয়করে মাতল, 'গোকুল, ওরে এইগা আহের।''

'ক'তে?' কলাজাকে আটকিয়া আছিল আহিথমরে কুনোরকম ছুটেয়া গাণ্টাহানাদে এরে দিতেই বাপকরে দেখল। 'এইগা—' বনকর লগে সিঙনা দিয়া তাও বাপকরে দিশা করিয়া ধাবদিল। দ্বিগিরও উদ্দেশ্য আকহান— কুংগই আগে পৌহান বাগানি। তার আগে বনকে বাপকর কাদাত ফৌঅইলীগাহান দেহিয়া নাওনায়া গোকুলে আধাপথেত্ত লৌদিয়া বাগেইল, এইগা কলা মজেছে।'

গোলাপসেনা রাজকুমারে পুতক জিলকরে দ্বি'য়ো আতে ধরিয়া এলো নু'রারিয়া কুনোরকম হু'কানা মুকসি আহান দিল। তানু বারো

মজা কলা ঔগ কিসাদে কান্দাত, কইগর হাদিত আছে, রংহান কিসাদে, কুংগদে বেকা আছে হাকি বিবরণ তুলাতুলি দিয়া নুতানিত মইখ্য অছি ।

গোলাপসেনা রাজকুমার । রাজকুমার রাজার পুতক । তার চৌদ্দপুরুষে কিসাদেগ কুম্পেইর রাজাগ আছিল তা নিজেও হর-নাপাছে । রাজ্যহানওবা কতি ডাঙর আছিল কিগুইজানে কিন্তু তার বাপক কিসাদে রাজাগ পালছিলতা তা নিজে দেখল । তাও রাজর পুতকগর সানে আছিলগ । বাপক দিনরাতি হজককরিলো মাংকলে ফিটা আহান পারিয়া বয়া থাইল । ক্ষেতিবারিতে নেইতার নেই অন্য কামদুমও সুপ নেই । তেব, চাকামহানর জিরগ নেই । এ পইসা লিকল এতাহাবি কুরাংতো আছিল ঔবাকা গোলাপসেনাই না হার-পেইলেও পিছেদে যেবাকা হারপেইল ঔবাকা আহি আধার । বাপকতে নুঙেই অয়া হজককরিলো স্বর্গরাজ্যত রাজা পালইলগা, মালকও সাতবছর আগে পইলাকার নাতিনকগর সাদহান দেহিয়া আশাচুটি আহানলো আহিথম জিপেইল । লেইলেক অয়া থাইল গোলাপ-সেনা বাপক মালকে করেদিয়া গেলাগা জিনা এহানলো বুদ্ধি লৌশং মাঙইল । পিছে সম্পত্তি বুলতে হুদা বাপকর 'খাওহানাত্ত' কুনোরকম জিংতা আছে পুরানা ভিটা এগর খেইপক বারো লগে এ সর্বনাশা শকুনির আড় - রাজকুমার উপাধি । নিদানর দিনে এ উপাধি এহান নেয়ইলইছতাও খানি আহান নিংশাহান বেঙ্গইছ ।

এহান থানাই না পারের আলধরানিনা পারের মানুর ঘরে কামদুম পাংকরানি । সমাজর রীতিয়ে নাদের সম্মানে বাধের ।

'ক্ষেতিবারিও নাইলমাহিতে মিলিটারিত অইলেও যেইংগা । রাজধর্মও ঠিক থাইবতা বারো পেটগও চলবতা' বুলিয়া রিক্রুটিও অফিসে উবাইলগা । কিন্তু হাজার হবা রাজবংশরগ অইলেতে কিতা অইব, বিদ্যাহানতে খম থেঙইল হান্তে ঔগদেও নাইল । ঔগদেও নাইল মাহিতে বুলিয়া হাকিদিব খালকরিয়া গাঙে দুকানশৌ আহানলো বহিল । পাচমাহা লাল নাইতে হুদা 'বাজার কামা দেকুরার' ডাঙর দল এহানে দুকানহানর জড়গ সহকারে উহুলে দিয়াইলা । তা হবা করে হারপেইল

মানুষে মাততারা এহান হায়হান— আমার এ জাত এহানাত নাটি-
কেরতা দুহান জিনিষ, এক-দুকান, দুই প্রতিষ্ঠান ।

এসাদে করে আজি সাত-আট বছর এহান পেটর সালেদে লারচার
অয়া আহের দুঃখ এহান চাকুরা আগ নেই । আজি কমলিনীর মাতা-
নিয়ে আকয়া মনহান দড়া করিয়া গাওর পালপা মুক্তিয়ার বলদেব
খুড়ারাং গিয়া মাতলগা, ‘খুড়া আর নুঝারলু, মোরে জিংতা কর ।
খুড়ার বি তিন কিয়ার পারা ভাগি দে, নাইলে শৌবে শুমারাই উঝা
নাহেয়া মরাত পড়লো ।’

‘হাঃ গিরি, কিতা বুলরতাতে ! ভাগি দেনা, তি ক্ষেতি করতাওতাও ?’

‘হায় খুড়া লাজকাজ হাবি বেললু ।’

‘হেরা, ঔহানতে কিসাদে কথাহান । তি রাজার পুতকগই লাংগলর
কটা ধরানি— না-না, নার । থকনেই— হু— আপাবপার আমলেত্ত
চলিয়া আহের রীতিহান বাগানি থকতা ?’ ‘হায় খুড়া, মাতর-
হানতে চুম কিন্তু রীতিহান থইতে অ যাউরিগা গতি এহানতে খুড়াই
দেহরনাই ।’

‘কৃষ্ণ-কৃষ্ণ । ঔহানতে ভগবানর লীলাহান এনা গিরি । আজি হিন-
পাছত, ইহরে দিলে কালি বারো ঠেকঠেক করতাও । তা তোরেলো
কুনো খেলা আহান খেলারতা । আজি গিরি হিনপাছত আমিতে
নেইথাং ? ঔতা বুলিয়া বংশত কুনোদিন নাছে কাম আহান করানি
বুলর এহান—’

‘মি মনেয়া করানি বুলুরিতা নাগই খুড়া, উপায় নেয়া,

‘উপায় নেয়া বুলর ঔহাননাই নাকরুরিতা ।’ বলদেব খুড়াই
খাংতা সৌঅয়া মাতল, ‘তোর বাবা গন্টা গিরি, বুড়াবা সেনারি
গিরিগাছি জীবন এহান লপুকের সাদ নাদেহিয়াওতে লাটে খেয়া
পিয়া গিয়া পারলাগা, তিতে কিয়া নুঝারতাওতা ?’ ‘মি গত নেই
গোলাপ, এ খুড়া গত নেই গোলাপ । আর লাজগেয়া কিতা করতু,
কালিকার চারাহান পেয়া নেই ।’ বলদেব খুড়া সুপ নাহুনি
সটান দিয়া সুপ নাজিরেয়া মাতানি অকরল, এমনৌ জাতহান পাতা-
লেদে যিয়ারগা আজিকালি বামনও ক্ষেতিও মিয়াওর লগে, নাহু মগ
লকেইর লগে শকাশকি দিয়া চাহা পিতে বাহবিচার নেয়ইল একমাতু

তুমারেলো ভালম্মা আহি বুলতে এবাকা তুমিও লাঙলর কটা ধর-
লেতে আর জাতহান থাইলতা ? মানুরাং মেইথও দেহুবা পারলাংতা ?

‘আমারেলোতে কিতা খুড়া’ গোলাপসেনাই মাতল, ‘ঘোর ডেকি
লেইরা রাজার জিপুত এতাতে গত নেই ফুল এনা । না সৌঅই,
হায়দে না ধরতৌ । হান্তে, কথা আহান মাতনি মনেয়া—’
‘মাত মাত’ সৌঅনির মেইচাক উগ থয়া বলদেব মুক্তিয়ারে মাতল ।

‘আমারকাতে কিতাও নেই খুড়া, এ্য, অবুঝ শৌগি ভাতর
বকে কাদতারা ঔপেইত বুক এগত জি আগ জলের পারা ।’ গোলাপ
সেনাই হেইচা করল, ‘খুড়া শৌগিরে বানাপেয়া ধান দ্বি আক কাঠি
আকতা উদারি দেনে ! মি লাঙপালহান আহিলে যেগাদেও হুজে
দিতৌ ।’

বলদেব মুক্তিয়ারে পেইরাক নারগ কঙালা করিয়া মেঙয়া মাতল,
‘গিরি, উদারিতে বারো কিয়া, ইমেও নেগাহে । কিন্তু এবছরতে
এমনৌ নাপাছু, ঔতার গজে এরে রবিবারর দিনে দিবস আহানও—’

‘অ—’গোলাপসেনা রাজকুমার মুর নঙেয়া বেলেয়া আহিল ।

শৌগিরে আতহানিত ধরিয়া গোলাপসেনা তার উঠানর আগাত
উবাইলহা । কমলিনী ঘরেত নিকুলিয়া মাংকলর খুটাগত ধরিয়া
গভীর আগ্রহলো তারে চেয়া থাইলৌ । গোলাপসেনা চিন্তাই চিন্তাই
পিঙালা অছে তার আহিগি তুলিয়া তেইরে আকফির চেয়া বারো
মাটিয়েদে লামেইল । কনাকর ঘি-খোর মারেক তার কুচুকুমেলে
খানিমানি থাইলেও আহিগিতে সুপ নেই কমলিনী ঠুনিংশা আহান
বেলেয়া খুটাগ এরেদিয়া আয়া শৌগিরে মাতলহা, ‘কুসুম, গোকুল,
যেইগা, তুমার এইগার লগে হিনা বেলেইগা । মি ভাত হাজাদিও ।’
তেই ঘরেদে হমেইলৌ ।

গোলাপসেনা হিনেয়া চাকচাফালহানাত বহিলহা । কমলিনীয়ে
ভাত হৌ সিলকরে দিয়া আংকরল, ‘বলদেব খুড়ারাং গেছিলাই-
গাতাতে নাইলথাও ?’

‘না ।’

ভাহাক আহান ইম্পানি অয়া থায়া কমলিনীয়ে মাতল, ‘কালিকা-
রতাতে আঠি আগ পেয়াও নেই, কিহানতে করানি ?’ গোলাপসেনাই
মুরগ হেইরাপ তুলিয়া মাতল, ‘আইতে গৌরহরি ইপুর দুকানে টটরেয়া
আইলু ।’

‘বারো !’ কমলিনীর আহিরপানি পটে পটে অইল ।

‘হায় ঔহান ছাড়াতে আর—’ মাতিয়া নালমকরেছে পুতক জিলক
কাদার কুপাংহানি মুণ্ডে দিয়া বইলাহাহান দেহিয়া গোলাপসেনা
ইম্পানি অইল । কুসুমে কুপাংহান চেয়া মালকরে মাতল, ‘ইমা,
আজিও কচুর হৌ রাধেছতা ।’

‘হায় হায়, খেই । গারিত হবাতানা । এতাতহে ভাইটামিন মাহি
আছেগতে । খেই ।’ কমলিনীয়ে তেমজইরী ।

‘ঈ—ভাইটামিন বুলে বুলে নিক্কা কচু মাহি দিয়া ভাততে গুলিপ্পারা
দিরীতা । মি নাও খেইতৌ ।’ আহিগি মুজুরে মুজুরে কুসুম তাপ্প
উবা অইলী । গোকুল বনকরে আকফির চেইল । ‘মিও না খিতৌ’
বুলিয়া তাও থক্ক উবাইল । ‘হায়দে হায়দে, নাইলেগা আরাকৌ
ভাত দিতৌ । বহো, খেই ।’ মালকে কুসুমরে লেম্পালহানাত ধরিয়া
বহুবেইল । বনকরে আকফির চেয়া গোকুলও বহিল । কতহান
পিছে কুসুমে মাতল, ‘ইমা মোরে ভাত দে ।’

গোকুলও ডিল নাকরিয়া মাতল, ‘ইমা, মোলও দে ।’

কমলিনীয়ে তেইরকা থছিলী ভাত ডলা ঔগ ভাতর আড়িগত্ত নিকালেয়া
দিব্বয়ো বেইবুনিরে বাটে দিল । গোলাপসেনা আরাক কামর আহান
উটানিরকা আতহান নিলগা ঔগই বারো আনচিল করল । ভাতর
আড়িগ আকফির, মইলকরে শৌগিরে আকফির চেয়া দেছিলী ভাত
ঔতার খেইপক থয়া খুচেইগলো উঠিল ।

‘হাঃ, কিয়া উঠলাইতা ? !’ কমলিনীয়ে খাওয়া আংকরল । ‘না পেট
এগ গিঠাগিঠি আহান করেতা, আর নুঝারলু ।’ বুলিয়া তা
নিকুলিল । কমলিনী হারপেইল । তারবেদে কৃপকরে চেয়া আহিগি
ফুতির চুটিগলো পুছিয়া কুপাং ঔহান আছুল দিল ।

গোলাপসেনা ফামহানাত ঙায়া কমলিনীরে চার। তা লেমকরিয়া
উঠিল ভাত ঔগি তেই মুর নঙেয়া খেইরী। তেইর হুদালা আত,
গার, কান চেয়া নিঃশব্দে ডিগল নিঃশা আহান বেলল। নাঙজাদা
খনো পন্ডিতর জ্বিলক তারাং খুঙয়া কতি হিনপা যেইরীগাতা।
তেইরে কুনোদিন তা শান্তি আকচুটি দেনা নুরারেছে, ঝমকা আকথম
পিদ বুলিয়া দেনা নুরারেছে। নিদানর বৌবরণর দাপট এহানতে
তেইহে ঙাকুরিরীনাই দিনেরাতিয়ে ফুতি বুনে বুনে ঘরর খুটিনাটি
খরচতে তেইহে এদিনেই চলিয়া আহিরী নাই। ঔতাও আজি মাহা
আহানর গজে অইল লুরিহানি, বৌহানি পেয়া লইল পইসা নেয়া
তেইর আতহানও বয়া আছে। এতা হাবি করিরা বুরিয়া তেইরাং
নাপ্পাল চুটি আহানও নেই। মানুর ঠৌনা ঔতালো খুটাও নাকারিরী।
হুদা, হাবিতা পাহুরিয়া ক্ষেতিবারি খানি কারানিকা তারে
দিনে রাতিয়ে হেইচা করিরী, যুক্তি দেহেইরী, ‘স্বয়াং জনক রাজাও তে
নিজে আল ধরল, ক্ষেতি করল। কিত্তাও নেই। আমারতাতে কিয়া
নাকরেরতা? না, জনকরাজার বংশত আমার জাতর রাজার জিপুতর
বংশই গজর থাকর—’ খালকরতে গোলাপসেনা তুহুমহান পারায়া
গেলগা। পিছে, মাদানেদে কলাজাক ঔহান সেদেয়া আনিয়া বারনে
[REDACTED] থইল।

পিছেকার দিনে গোবর্ধন পূজা। কোঁরাক যাত্ৰান্ত গাঙহানর শৌ
এতা পহরির পারে পারে আঠালি মাটি বিছারা বিছারা ধাবদিতারা।
কুসুম বারো গোকুলও সাঙগত লেটপাটেয়া বয়া কাচামাটিলো দৌ
হংকরাত লাগেছি। বনকে হংকরেদিল মইষ ঔগত গোকুলে বারো
বেকা বারি দুগলো য়েচেইগি দিয়া আরাক বারি আগ কটাগ সাকুরিয়া
লুরি আকনানলো বাধ দিল। মাটিলো মানু আগ হংকরিয়া কটাগতও
ধরুয়া দিয়াইল। দিব্যো বেইবুনি সরঞ্জাম ঔহানলো মালঠেপে গিয়া
গোবর্ধন ঔগর গজে ঔতা থয়া উবাইলা। বলদেব খুড়া বারো
আরাক মুক্তিয়ার দুগ আগই রস করিক বুলিয়া কাদাত আয়া
গোকুলরে আংকরলাগা, ‘বাবাগুলি কটাগত ধরিয়া আছে বুজন ঔগতে
কিসাদেগ থাও?’
গোকুলে তা হংকরেছে দৌগদে জিঙ ধরে পেলয়া চেই-তে চেই-তে

মাতল, 'মি' ।

মুকতিয়ার ঔগি আপ্পানে খাও লাগলা ।

এবেদে বুলতে, গোলাপসেনা কলাজাক ঔহানলো ঘরেত নিকুলিয়া মাংকলে বারো বহিল । গাছে মজেছে কলাজাক হান্তে রাতি আ-হানর ভিতরে গজর দিবকান্দা লেউর ফুলগ আছে ।

কমলিনীয়ে মাতল, শৌগি মালঠেপেত্ত আয়া দেহে বেলতাইগা ।' মেই-খঙহান বুলেয়া বারো মাতল, 'নিলেগা চালাক করে নিয়া বেলৈগা ।' 'অঃ, হায় ।' গোলাপসেনা তাপ্প উঠিল ।

'পারলে শৌগিরকা কান্দা আহান অইলেও থদিয়া যেইগানে ।' কমলিনীয়ে মাতল ।

'এবাকাতে কিসাদে ।' দারিগত্ত লামে লামে গোলাপসেনাই মাতল, 'কালি গৌরহরি ইপুরাং জাকহান হাবি রূপা ছয়হানাত ফুরেয়া আহেছু । এবাকা কান্দা বাগলেতে চউলতে আর আনে পারতৌতা ।' গোলাপসেনা উঠানহান নালালছে কুসুমে গোকুলে পথগত্ত দেহিয়া গাণ্টাহানর বাহার হাদিয়েদে লিতয়া চিকারি দিয়া ধাবদে আইলা । কুসুমে কলাজাক ধরিয়া আটকেয়া মাতল, 'না, এইগা নানিগা, বারো নানিগা ।'

গোকুলে কিতাও নামাতিয়া কলাজাক চেংকরে কলকরিয়া ধরিয়া বনকরে পাংকরল । মালক কমলিনী ঔহান দেহিয়া থতাহান ইনাফির চুটিগলো গুরিয়া ঘরেদে ধাবদে হমেইলীগা । গোলাপসেনা আর জারে নুরারল । দাত কামারেয়া ফরকো বুলনদিল । 'বাগরর কলা খাকুরাতা আহেছিতা, এরে দেই, এরে দেই' বুলিয়া দিবয়োগর কঙালা গালগিত ছট্ ছট্ করে দিবচাপড় দিয়া কলাজাক কারোলইল । কিলেইল আত ঔহান থইল পথ নাপেয়া আতহান সিকা সিকা গাণ্টাহানাদে উর উর গেলগা । তার বুকগর জ্বিগ গারিগ হাবিত সিলয়া আকসাটে পুড়ানি অকরল ।

কুসুম বারো গোকুল গালগিদে অর অর আহিরপানি বেলা বেলা অটগি ফুলেয়া বাপকরে চেয়া থাইলা । ● ২২ ই আগষ্ট' ৮০ ইং

মণিদা বেলেয়া গেলগা

তেইর নাওহান—লেহাউনু ।

রূপহান—উর্বশী ।

বয়স—উল্লিশ ।

বিন্যাসাদি—নাছে ।

শখহান—মুনির উরাইল মিল্লেও পুলকরানি ।

কামহান—মনর মানু আগ বিছারানি ।

হায়, নাহানতে নাগই । যৌবনে পারাদেছে দিনেত্ত কী গাবুরাপুরা
কী কল্ঠও চেলছে বুড়া তেইরে দেখলেই আহির পট নাবেলেয়া
চেয়া থাইতার। তানুরতাও দোষ নেই । মাতাম্বালা শাতইল
অপরূপ ফুলগ দেখলে রসিক ভ্রমর মেত্তমকা জিরানি মনেইতাই
ঔহান ঔরে গজে আছে গিরক ঔগই ইকরেদেছে লিচেৎহান । লেহা-
উনুরতাও দোষতে নেইছাৎ । দোষতে এরে তেইর রূপ বারো
যৌবন দেছে গিরক ঔগরতা । রূপ এহানে নাদের রূপমজা গিরক
গাছির মিল্লেও থিঙকরে দেনা । বয়সহানে নাদের ঔতা গারি
ঝাকারেয়া বেলানি । ঔতাইলে নিরিবিলি সময়ত মিল্লেও ঔতা
মিল্লেওর গিরি ঔতা বাছে বাছে নিঙশিঙ অনার জিরিঙ করা হারৌ
থিরিঙ করা এ যৌবনে আর কুঙগই দিতই । না নার, গারি ঝাকা-
রেয়া বেলানি এ বয়সে কুনোমতেই নার । ঔহানে তেইর শখহান
পুলকরানি । জগতর মানুরাং তেইর ইম্পানি কিন্তু সাউকার দাবীহান
যে, যেসাদেগ অয়াও থাক, যে মারলরগ অয়াও থাক তেইর কাদাদে
গেলেগাই প্রেমবুজা সিকদা আহান তেইরাং লাৎকরানি লাগতই
লাগতই । কিন্তু হেলথক অইলতা মনীন্দ্রর কাফামে । মনীন্দ্র
কাঞ্চনপুররগ, কাঞ্চনপুর হাইস্কুলর বি, এস, সি মাণ্টরগ । বয়স

কনাক অইলেও মাষ্টরগ হিসাবে জবর নাও উড়েছে জনগ। গ্রীষ্মের বন্ধর মা এহান লেহাউনুগাছির গাওর ভেনচার স্কুল ঔগর ছাত্তু ঔতারে বাগাদেনারকা ঔ স্কুলর হেডমাষ্টর নীলকান্তবাবুরে মাতা-নিয়ে আকয়া আহেছেতা। খারতাই স্কুলর কাদার ঘর আগত। কতদিন যিতেগা নাযিতেগা নীলকান্তবাবুরে আরাক হেইচা আহানলো আহিল, মণিবাবু, যারৌ নাকরবাং। ব্রাঁ, হিনতে দিম্মারনাই। এখুরুম আরাক খানি হিন দেনাত পড়লাও পাউরি।’

‘না, না, কই হিনতে। কিত্তাও নেই মাতিক।’ মণীন্দ্রই মাতল। ‘হায়ে মণিবাবু, আর কিত্তা মাততু। আজি কালিকার শৌ এতারতা লেরিকেদে মন নেই—ই বুল্লেও সুপ নেই। ঔতারগজে গাওর শিক্ষিত গিরিগিথানীতে চাকুরীশৌ আহান পানাই শহরগত বাস। গাওে হবা মাষ্টর নেই। কিন্তু আঙুলি বাগিয়া লেহেইতেতে গাও এহান শিক্ষিতই চম্ব বুজেছি। ঔহানেহে আজি পেয়া গ্রান্ট নাপেয়া আছিনাই। এবছরতে হবা শৌ কতগ পেইলাও হাতে আশা আক-চুটিও করিয়া। শৌগি বারো এডভান্সড্ ম্যাথমেটিক্‌স্ও নিয়া-বেলাছিগা। এবছর দিতাইগি। ঔহানে হিনপেইলেও সেন্দ্বাদে তানুরেলো চিক্‌করে পর আহান—ব্রাঁ’

‘ঔহানতে আর কি হিন কামহান। হান্তে, এপেইতে দুকান কতহান থানাই সেন্দ্বার পর এহান দুমেল হৌঅইতার। তানুরেলো চিক্‌করে বনা এহান খানি—ঔহানে কাদাবারার কুনো নিরিবিলি ব্রাইসাও ঘর আগত বহে পারলেতে হবা অরতা। মিও বুলানিহান পারা কৈরে গিয়া আইলুহা।’

‘কাদাবারাততে ঔসাদে—’ নীলকান্তবাবুরে খানি খালকরিয়া পিছে মাতল, ‘হায়দে ঔতাইলে মি ধনসেনার লগে টটরেয়া চেইওগা। ঔপেইত অইলেতে সুবিধা অইতই। তার মুনিশৌগও তামকরতই গনাই’ ‘কুংগথাও?’

‘ঔনা ধনঞ্জয় ঔগনাই। ঘরগও নিরিবিলি। জন বুলতে ইমে বাপক পুতক বারৌ নিঙলশৌ আগ-লেহাউনু।’

‘অ। হায়দে মোর কুনো আপত্তি নেই।’

‘ঔতাইলেতে কালিত্ত?’

‘ঠিক আছে’

পিছেকার দিনে সেন্ধার পরে মণীন্দ্র শৌগি বাগাদেনাত আহানির কথা। লেহাউনুরে পইলা পৌ এহান হুনিয়া নিয়াম গাড়ীত না লাগাইল। তেই নিঙরকরলতাই মাণ্টরগ হান্তে বান্ধা বয়স গিয়া থাই বগা। মাদানে ধান দ্বি কুনি বানিয়া, ধূপ থম্বেই দিয়া ব্রাইসাওয়া উঠানে মুরা আগত বেছুনী আহানলো বয়া থাইলী। বাপকতে মরার ঘরে লেরিক হুনাত গেছেগা হান্তে কারেও ডরেইত। মালকনেই জিনাহাননাই ওহানে ঘরর আদিরি দিদিরী কাম হাবিতা তেই করানি লাগের। তেই হিনপেইরী হায়হান কিন্তু এরে যৌবনর লেনদেনর মনোহরা খেলা এহানর পুলকে হিনরে হিন বুলিয়া নাগনিরী। নিফট জুনাকর মিঙালে মুরাগত বয়া আছে লেহাউনুরে চারিবারাদেত্ত যম-করেছে। মিঙালর এ যম এহানাত লেহাউনু নিজর গতে বিভুলা কস্তুরিণীগর সাদানে তেইরে তেই চেয়া মুকসি দিরী।

খানিপ্পারা পিছে ‘খুট’ করে গাণ্টার বাহাগ খুলানির শব্দহান পেয়া লেহাউনুরে খিরিও করে ঔগদে চেইল। গাণ্টাহানাদে হমা আহের মণীন্দ্ররে দেহিয়া তেই আহিরপট মারানি পাহুরল। মনীন্দ্রতে এমনৌ সাদ হান হবাগ। ঔতার গজে আজি কাপকপারা আঙেই পালটুন বারো কালা পাইরর ডাঙর আনক আহান নিদিয়াতে এ জুনাকর মিঙালে কতিতে হবা আছে বুল্লে চেইতে আহির সেনা-হিদাক পরিও পরিও বুলের। তা কাদাহান পানা ফাৎনেই লেহাউনু আপ্পানে উবাইলী। আহিথম তাপ্প নঙিল কিন্তু বারো পেইরাক হজাক অয়া তার মেইথঙহানাত কিতা আহান বিছারল। তা কিন্তু তেইরবেদে কুনো মিল্লেও নাদিয়া মিকেইপা ভরি ভরি কাকাইয়ে মাংকলে কায়া ধনজয়রেহে ডাকলগা ‘ধনজয়, ধনজয়’।

ধনজয় বারো অজাগ বাছেয়া আছি আর আর শৌ উতা নিকুলয়া তারে মেই ওক্ করিয়া মাংকলে কুঠাগত নিয়া বহেইলাগা। লেহাউনু অভিমানে রাঙাগ অইলী। কত কাকেই উর উর গিয়া মণীন্দ্রবহেছে কুঠাগদে খা করে চেয়া থাইলী। কতহান পিছে অটগ উল্টেয়া বারো পেইরাক থতাহান গুরিয়া খন্ডিকয়া আহিয়া ঘরে ভিতরে হমেইলীগা। কিয়া আহিলতা? দেবা ব জানন্তি কুতঃ মানবা।

লেহাউনু মণীন্দ্রের পইলা দেখল দিনেত্ত তেইর শখহান উরা বেলেয়া কামর ঝুমুরগত হেক্ক পরলিহা । মনর মানুগ পেইলছাৎ । বেতুনি, গুরাপানা, চাহা দেনার সুতিলো কাদাত গিয়া তারে পেল নায়া চেইলগা—খাকারা দেছে চুল, কালা পাইরর আনক, মুনিথকপা ফিবামহান কিন্তু এ কাদাত চেপনিয়ৈ কুনা ফল নাদল । মণীন্দ্র ধ্যানমগ্ন মহাদেবর সানে শৌতারেলো লেরিকহানাত বুরিয়া থার । লমইলে বেলেয়া যারগা । কুনোদিন ধনসেনার লগে দ্বি আকচুটি টটরার, ওহানে ইত্তি । কাদাদে কুগ আইলা গেলগা ওতাদে কুনো খেয়াল নেই । লেহাউনু নিক্কা এসাদে য়ারৌ এ ফিফি-য়েয়া বেলেয়া আইরী কিন্তু তেই পিঠিবুলন দিবতাই মণীন্দ্রই তেইরে রেও করে আক খুরম চেয়া ঠুনিংশা বেলার এহান তেই বা শৌ ওতা কুনোগয়ও খিয়াল নাকরলা ।

মণীন্দ্ররতা এপেইত্ত বেলেয়া যানার দিনহান যত কাদা অয়া আহের তত লেহাউনু উওইরী । অইতে অইতে আকদিন লাজহান উরা বেল্প । ওদিন মণীন্দ্র খানি ঙাল্ল আয়াতে কুঠাগত ইম্পানি অয়া বহেছে । বাপক ওগদে পিঠি দিয়া টঙ্গির কোণ আগত গুরুর দড়ি বলিয়া আছে । ধনঞ্জয় আজি মাওছে সেলকমর গুরু শৌগ সেনাচাউবা গাছির কলগত আছে বুলিয়া হনিয়া খানিপদারা আগে আনাত গেলগা । অন্য শৌও এবুজো নাহিছি । এ সুরাখে লেহাউনু চাহা কাপ আহানলো মাংকলর কুঠাগত হমেইলী । তেইর গারিগ তপ্তা অইল । বুকগ ফালদানি অকরল । তেই হেইরাপ নঙিয়া টেবিলহানাত চাহাকাপহান থয়া তারে জিও ধরে চেয়া থাইলী বেয়া-পার চিরকালর ও অপূর্ব মিলেও ওহানলো যেহানে জীবনে আনে পারের আনন্দর ধারা, আনে পারের প্রলয় । মণীন্দ্র এ অবস্থাত তেইরে আকখুরুম নাচেয়া নুঝারল । তা আহিথম তুলিয়া তেইরে মিলেও আহান দিয়া কিত্তাও নামাতিয়া মুরগ নঙেয়া কাপগ ধরিয়া থাইল । লেহাউনু আজি মিলেও নাচেইরী । আজি তেই হুনানি মনেইরী তার আকচুটি কথা, হুনুঝানি মনেইরী তেইর চুটি আহানও । কিন্তু মণীন্দ্ররাং কুনো ঠাই নাপেয়া লাজে দুঃখই ইনাফির চুটিগ কামারেয়া ধাবদে বেলেয়া নিকুললী । মণীন্দ্রও তেই গেলীগা ওগদে

কৃপাকরে চেয়া ঠুনিংশা আহান বেলেয়া অটগ কামারল। তারতাও কুনো কথা মাতিলতা আছেছাৎ।

অইতে অইতে মণীন্দ্ররতা এপেইত যানার দিনহান আহিল। আজিকার সেন্ধা এহানই শেষ সেন্ধাহান। আজি লেহাউনুর নিস্তেজ নারীত্ব পেইরাক হজাক অইল। ঔতাইলে কি তেইর এ প্রেম বিফলে মাঙইলতা? না না নাইতই, কুনোদিনও নাইতই। তেই সহ্য করে নুঝারতই। কিন্তু এ পাষণ এগরে তেই কিতালো, কিসাদে গলেই-তইতা। খাংতা তেইর মনহানাত সন্দি আহান দেহা দিল, 'হেঁ তা কিয়া মোরে চানা নুঝারেরতা? কিয়া হৌদিন আকখুরুম হেইরাপ চেয়া মুরগ নঙেয়া কিতাও না টটরেয়া থাইলতা? ঔতাইলে কি মোর প্রতি তার কুনো—না, আজি মি পরীক্ষা করিয়া হেইও, শেষ পরীক্ষা।' এদিনেই লেহাউনুর ইন্দ্রিয়হাবিত অজানা পৌরালপা আগই দিনে রাতিয়ে অনুভূতি আহান যোগান দেব যে মণীন্দ্রই ফুওয়া নামা-তলেও তা তেইরে হুদিগ যৌগয়া ঠিকপার এহান হায়হান নাকিতা পরীক্ষা করানিত লেপইলী।

লেহাউনু আজি চানাপ্পা নুঝা রূপ ধরল। রূপরতে আর অভাব আছেতা বিশেষ করিয়া নিঙলরতা, যেতা অসীম রূপা। অভিনয় নিঙলর মাউসাৎ গুণহান, ডাঙর অন্ত্রহানও। পুণিয়ার দিন হান। লেহাউনু এইরুক আহান হবা করে হাজেইল। সেন্ধার পরে গারিগত ধলা ফিরে, নাকগত শিরিশি বারো নিরালে নঙেছে চুলে ধলা গৎনুংশী কুণ্ডাবলী ফুল আগ নিদিয়া মণীন্দ্র তানুর ঘরে আহানির আগে এইরুকহানলো মন্দিরে গেলীগা।

আরতিহান লমনি ফাৎনেই তেই দেখল ধনঞ্জয়গাছি হাকি মালঠেগগত প্রসাদর সালেদে পুলইলাহা। তেই হারপেইল, মণীন্দ্রই লেরিক বাগা দেনা লমকরেছে। তেই হারপাছে আজি লমইগা দিনহান হান্তে তা যেসাদেও তেইর বাপকর লগে য়ারিপরি দিয়া মাতেয়া আইতই বারো হুতুমেও তেইরে মনা থাইলেতে আজি যানার দিনে তেইরে আকখুরুম দেহিয়া যানার খৌরাঙে খানি ডিলইলেও বাছেয়া থাইতই থাইতই। তেই উরাদারা বামনগরাং মাতিয়া প্রসাদ খানি কুপাওহানাত লয়া হাবির আহিত সেতক অয়া ঘরেদে সালইলী।

লেইফামহানাত তানুর ঘরগ খানিপ্পারা দূরেইত গাণটাহানর কাদার কুমারা হেইনৌজারর তলে উবা অইলীহা লেহাউনু। তেই বেপরুৱা নিওলগ। কনাকতো তেইরাও ডরভয় নেইগ। ওতার গজে আজি কি ভাব আহানাত উতলা অয়া নিজরে পাহুৱেছে। খানিপ্পারা পিছে মণীন্দ্র তানুর ঘরেত্ত নিকুলিয়া আহিল। তাৰে দেহানিয়ে লেহাউনু হাৰৌহানে আহিথম জিপেয়া দীঘল নিংশা আহান কারল। আধাৰ-হানাতাও তেইর মেইথওহান ঙালইল। তেই কতকাকেই পিঠিয়েদে আলইলী।

মণীন্দ্র গাণটাহান লালয়া হেইনৌজারির ছেয়াগ পানা ফাৎনেই বাৰো উর উর আটিয়া আয়া তার মুণ্ডে উবা অয়া লেহাউনুৰে সরই করে মাতল, ‘মণিদা যারগাতা?’

তেই এমন ভাব করল যেমন ইমে এক্সাকা আয়া ফাম ওহানাত ফৌঅইতেগা তাৰে দেহিয়া মাতেইলতা। মণীন্দ্র পইলা খাওয়া পিছে আহে আহে মাতল, ‘হায় আজিয়ে লমইলনাই। কালি বিয়াত্ত কাঞ্চন-পূরর গাড়ীত কাইতৌগ।’ তা খালকরল কুনোদিন নাটটরাছেগই কিসাদে সরই করে ডাহে পারলতা।

লেহাউনুর জুহানাত আজি কাপক ফুটের।

‘বাছা, দ প্রসাদ খানি ল।’

‘অ দৌর প্রসাদ। দে-দে।’

‘মণিদা কথা আহান, হিঃ হিঃ-না —।’

‘হা কিতা কুনো কথা আছেথাও, মাত।’

‘না লাজপাউরী।’

‘হা কিয়া, না লাজপেই, মাত।’

‘মোরতানা — হইন্না নাহ্।’

‘কিতাও নেই মাত।’

‘মণিদা ওদিন আহে পারতেইতা?’

‘হা কুৱাং, কুনদিন!?’ মণীন্দ্র খাঙইল।

‘বাবাই নামাতেছে?’

‘না’

লেহাউনু পেইরাক লাজপেইল সটান দিয়া মাটিয়েদে আহিথম
বিদেয়া ইনাফির চুটিগ মুজুরে মুজুরে মাতল, ।

‘মোর মোরতা বিদ্যা লেপইল । ফাঙ্গুনর পইলা তারিখ । মণিদা
আছিছনে ?

কথাহান লমকরিয়াও তেই থকরে আহিথম তুলিয়া মণীন্দ্রর মেই-
থঙহানাদে কুপকরে চেয়া থাইলী । দুবাদে ভাবহান দেহেইলতাই তেইর
গড়েইপা বিয়াত মণীন্দ্রর আহানি ঔহান তেইর একীন খৌরাওহান
কিন্তু ভিতরেতে আরাক ভাব আহান—একাকা পরীক্ষারকা দিল
জবরধস্ ইন্জেকশন এগর ফলাফল নুরারাগর মেইথঙহানাত পাক-
রানি । তেই আশা করেছিলিতাই, এহান হুনানির লগে লগে মণীন্দ্রর
মেইথঙহান কুমশালীগ অইতই, দুঃখই মনর হিনে তা মুরগ নঙেয়া
কাদিল কাদিল অরা থাইতই কিন্তু মান এতা আকতাও নাইল । তা
আরো দ্বিগুণ হারৌ অয়া মাতল, ‘হা নায়াতে যেসাদেও আহিতৌ ।
হববা খুতল আহাললো আহিতৌ । হাতে, কুঙগাঙে লেপইলতা ?
কার লগে ?’ হারপানির খৌরাঙে তাও আংকরে বেলল—কার লগে ।
লেহাউনুর হাবি আশা জরমোগর সাদানে পুড়িয়া ছাগিগ অইল ।
আতে ধরা প্রসাদর কুপাওহান মাটিত ছুপন দিয়া পড়িল । লেহাউনু
আর নিজরে ধরিয়া থনা নুরারিয়া আতর তারাহানিলো মেইথঙহান
গুরিয়া হকচেলয়া কাদে কাদে নারগ লুকেয়া উতর দিল, ‘তোর লগে
তোর লগে ।’ ‘হি পাগুলি । যাগা, ঘরে যাগা ।’ ঔতা বুলিয়া তা
তেইরে বেলেয়া তা কাকেই কারল । লেহাউনু পাগুলীগ পারা অইলী ।
তেইর মন, তেইর প্রেম, তেইর হারৌ পিয়ম হাবিতা ইলেই লেইকরে
বেদখল করিয়া তিক জানেয়া, তেইর একেবারে গুরিয়েদে আহে আহে
বেলেয়া যারগা এ নিষ্ঠুর ডাকাতি এগরে অবলা লেহাউনু আর কিতাও
করে নুরারিয়া, হাবি শক্তি উজার করিয়া হেইনৌজারিত নিরালহান
ছুপা ছুপা কাদে কাদে মাতল, ‘যাগা—যাগা—’

মনীন্দ্র ঔতাও না খামইল । তা আরো দিগল দিগল কাকেই
কারানি অকরল । মনীন্দ্র বেলেয়া গেলেগা আর নাহিতই । জীবনে আর
তেইর লগে দেহা নাইতই এ মিকুপ এহানই অন্তীম মিকুপহান ।
কথা এচুটি লেহাউনুর মনে আনা ফাৎনেই তেইর মনহান অউলি

জউলি অইল । মিষ্টিলে হাবিতা পাহু রিয়া খৌরাঙে ডল্‌ডলা প্রেমিকা
আগর অসহায় আবেদনলো ধাবদে গিয়া তেই তার আতহানি ধরিয়া
আটকেয়া মাতলগা, 'মোরে বেলেয়া নাযিগা । মি—মি—'

যে কথাহানি তেই খতালো মাতানি নুঝারল ঔহানি তিঙা আহিথমে
বারো নিঝরা অবশ আতহানিয়ে কতিহান মাতে দিলা বু নেই কিন্তু
মণীন্দ্র ঔতাও বেলেয়া গেলগা । বেলেয়া গেলগা লেহাউনুর আতর বাধনহা-
নিত নিজর আতহানি মুকেয়া । যানার আগে তার মনর কথাহান তেইরাও
থয়া গেলগা, 'লেহাউনু, মি কিতা মাততু । তি যত দুঃখ পাছত ঔতার
দিবগুনলো মি গারগার অছু । তোৱ রূপর বাখান হুনিয়া তোৱ প্রেমে
পড়েছিলু । মনাছিলু, য়েগরে বিছারেয়া মি পইলা যৌবনেত বুলুরি
ঔগ তিছাৎ কিন্তু হায় কপাল, তোৱে পইলা দেখলু দিনেই হারপেইলু
তি ঔগ নাগই । হারপাউরি তি মোরাং দেহমন লাৎকরেছত । মিও
হুয়া করলু, নুঝারলু । '

খানি ইম্পানি অয়া বারো মাতল,

'তবে আজি মি ডাঙর শিক্ষা আহানতে পেয়া যাউরিগা প্রেম এহান
কাৱেও কুনোগই নিজর ইচ্ছামত দিয়া পারিলহান নাগই, এহান স্বাধীন
মনর সম্পূর্ণ স্বাধীন বস্তুহান । মি আয়াতে তোৱে দুঃখ দিয়া যাউরি-
গাকো, মোরে ক্ষমা করিছ । ' মণিদা বেলেয়া গেলগা আর আকখুরুমও
উলটিয়া নাচেয়া । লেহাউনু, কপালখিপী লেহাউনু পড়িয়া থাইলী
আকখুলীগই । জীবনভোর হাবির আহিত সেৎকরিয়া বিন্দু বিন্দু
করে বুকর ভিতরে যমকরা ইও পানিছিটা শৌকরার পরে পিয়া উরা
বেলাদেছি কস্মা ডাবগর সাদানে লেহাউনু পড়িয়া থাইলা তেইর
নৌ-নৌৱা আসাংপা যৌবনহানলো,— নিঃসম্বল অয়া । ●

—১৬ই আগষ্ট ' ৮১ইং

কাঠগড়াত যেবাকা বাপক

শিলচর শহর এগত অফিসটাইমে রিকশা পানা বারো মাহার একুশ তারিখর পিছর খরানর দিনে বছরর বকেয়া এন্নাউন্স্ পেইরাক আক-সাটে পানা চানাপ্পা আকহান কথা । ‘এই-রিকশা, এই রিকশা’ বুলিয়া লৌদিতে লৌদিতে আহাৰ কবজাও লড়ক খড়ক অর । ঔতাও কপাল তপ্তা অয়া আহানরে পা পারলেতে বাহিন হাবি ককরতা । আজি আধাঘণ্টার গজে উবাহা হজকরকা আহান নাপেয়া নিরালর ঘাম পুছে পুছে খালকরের কালাসেনা— ‘হে গুজে, আটানি অকরলুইছতাও হাংকাত ফৌঅইলুগাইছ ।

নুৰা আহেছে মানুগ । এসাদে নাপেইতইহান কিসাদেও হার.পইত । নিক্কার পত্ৰিকার রাশিফলেতে আর না ইকরতারানাই যে— অমুক লগে জরম অ থাইলে অমুক প্রহর গতে আজি রিকশা প্রাপ্তিযোগ নেই । আহ্ এসাদে আকটুটি ইকরে দিলাইছতে কালাসেনার সাদানে অফিসআলা এতা সুন্দেদে বাছা বাছা না হিনপেইলাইছ । কালাসেনা আকখুলাগ অইলেতে কথা নেয়ছিলতা । লগে বারো দীপুও থা পড়িলগা । দীপু তার আকখুলা পুতকগুলিনা । ক্লাশ থিত কনভেণ্টে তামকরের । বাপকরে দিনরাতিয়ে কিতাকিতি আংকরে আংকরে জ্বালেয়া খার । অবশ্য, বুদ্ধিমানর সান্তাহান । ক্লাশ টু পেয়া গুরাহাটীত তামকরল । হাদি এহান তা বদলি অয়া আহে পড়ানিয়ে পুতকরেও এপেইত, ঙ্গলে বরা দিলতা । দিয়াছে ঠেকিল । তারে নিক্কা ঙ্গলে থিলকরে দেনা বারো আনানি এহানেহে সমস্যা আহান অইল । উতাও সময়মত রিকশা পেইলেতে কুনো হিন নেয়ছিলতা । ‘না নাইল ।’ কালাসেনা ঘড়িগ চেয়া আর রিকশা না বাছেয়া পুতকরে.লা তুপসাম জেলরোডগদে আটিয়া সালইল । কদমহানর তুলো তাল মিলেয়া

দীপুর প্রসন্ন প্রপেজারহানও বন্ বন্ বুলানি অকরল । পথর কাদার সাইনবোর্ড পাকরে পাকরে তা আংকরের 'বাবা, ট্রেডার্স অর্থতে কিতা ?' 'বেপারী, প্লুরেলে । বেশ, দীপু রিকশো বানান করতা ।'

দীপু মুর খাজুরেয়া ইম্পানি অয়া থাইল ।

'ওতা ওসাদে নাকরি । কিয়া মুর খাজুরারতা ? সুপ স্মার্টনেই শৌগ বুলতাইনাই । নুরারলে— বাবা ওগ হারনাপাছু, বাগাদেনে বুলিছ, হে ?'

'হারনাপাছু বাবা বাগাদেনে ।'

'বেশ । বানানগ অইলতাই আর, আই '

এসাদে টটবা টটরা জেলগর মূল থওচিলহান লালইঙাগা ওপেইত দীপুরে বারো আংকরল, 'বাবা ফর সেল্ অর্থতে কিতাথাও ?'

'বেছানির কাজে । কইতে কুওপেইত দেখলেতা ?'

'ওরে ।' দীপুরে জেলর পাক্কার দেবালগত থেওয়া আছে বেড় নেই তিনর শাও আগুলি আঙুলিলো দেহুরেইল । কালাসেনাই দেখল শাও ওগুলির খুটা আগত গুলয়া আছে তিনর হুর সাইনবোর্ড আকচিলা । ওহানাত ডাওর ডাওর করে ইকরেছি **FOR SALE** । শাওশৌগর ভিতরে দেহের পুরিজলেই দুগ বারা মৌ জেলেই তিনগ । তানুর কাদাত বিড়ি আকেইগি আছুলে আছুলে খুটাত ওয়া উবাছি দীঘল জুলপিআলা গুডামালপা গাবুরাপুরা দুগ । দুরেইত গাছআক-জারির তলে লাঠি বন্দুকলো পুলছিता सिबेई कतोग । कालासेनाई खालकरल, 'এহানতে কিহান !' দীপুরে ডিল নাকরিয়া আংকরল, 'বাবা এপেইত কিতা বেছতারাতা ?' 'এপেইত—' কালাসেনা লু চিন্তা আহা-নাত জাবুর দিয়া শৌগলো আটানি অকরল । হুতুমেও এপেইত কিতা বেছতারাতা ? জেলগর বি, ঘরবাড়ী এতা ? এতা বেছিয়া জেলগ আরাক আকপেইত অওকরতারাতা ? শহরগর ভিতরে এতাহাবি বি আকসাটে আর কুওপেইতও বা পেইতাই । কি কারণেও বা অওক-রতাই । না এহানতে না থাইব । অ থাইলে পত্রিকাত চুটি আহান পৌ অইলও পানা থকছিল । বেপারী বেঙ্গুলহানে থইলাইছতা ? চারাকহান অয়া বয়া হুদেইলাইছ । ওতাইলেতে কিতা ? কিতা বেচানি অরতা ?

জুৰাব নাপেয়া আধাৰ আছে কালাসেনাৰ মনহানাত শাওগৰ ভিতৰে
 দেহেছিল দৃশ্য ঔহান ক্যামেৰাৰ ফ্ৰাশগানহানৰ সানে পেইয়াক ঝলকেইল।
 পূৰিজেলেই দুগ, মৌ তিনগ বারো গাবুৰাপুৰা দুগ। ঔতাইলে কি
 এপেইত — নিঙল, বেয়াপা বেছানি অৱতা? অসম্ভবহানতে নাগই।
 মানু বাজাৰে বেছানি পৃথিবীও উঠিয়া গেলগা বুলিয়া খতালো মাতঃও
 এবুজো না উঠেছে। প্ৰায় নিক্কাৰ পত্ৰিকাৰ পইলা পাতাতহে খাৰ
 যে, আৱবৰ তালেবৰ মাহাজন আকতাই ভাৱতে আয়া গাওগৰৰ
 লেইয়া সাধাসিধা মানুৰে দালাল লাগেয়া ভুলেয়া তানুৰ নিঙল,
 মৌৰেই, বৌৰেই ঔতাৰে কমদৰে লয়া নিয়া তানুৰ দাসী কৰিয়া
 থইতাৱাগা— তানুৰেলো বেপাৰ কৰতাৱা। ধনৰ লোভে দেশৰ
 কুলাঙাৰ মানু আকতাই তানুৰে পাংকৰতাৱা। 'বজ্জাৎ'।
 কালাসেনাৰ গাৱিগ কান্দিহানে তপ্তা অইল। চুৱালৰ মাহু দঢ়া
 অইল। ঔতাইলে কি ঔ বেপাৰী ঔতা এপেইতও ফৌঅছিগাতা?
 এৱে গাবুৰাপুৰা এগি তানুৰ দালালগি? না না কুনোদিনও অনা
 দেনা নাইতই।' কতহান চপ্পা উৰায়া মনৰ কান্দিহান খানি কমইলে
 বারো আটে আটে খালকৰল, 'ঔহানও বারো কিসাদে। চৰে
 চাৱেদে নাগই একেবাৰে টাউনগৰ থইতুগত, জেগৰ থঙচিলহানাত
 পুলিশৰ মুণ্ডে সাইনবোৰ্ড টাঙিয়াৱগাই বহানি—না নাৱ। যুক্তিয়ে
 নাদেৰ ঔতাইলে তানুতে কিয়া এপেইত হায়দে ধৰলু নিঙল বা বেয়াপা
 এগি তানুৰ প্ৰিয়জন কুনোগ ফাটকে পড়েছি ঔতাৰে উনা অনিত
 আহেছিতা। ঔতাইলে গাবুৰাপুৰা ঔগিতে? হায়দে ঔগিৰেও এ
 দাপাত চলকৰলু। তাপুৰ মাৰুপ মাসাও কুনোগৰে উনা অনিত
 বা নিঙল ঔগিৰ একেবাৰে জৰম বেয়কগিহে। উম, এবাৰাতে
 ৰাইসাওইল। কিন্তু ঔ হুৰু সাইনবোৰ্ড উচিলাতে? ফৰ সেল?
 কালাসেনা বারো চিন্তাৰ সাগৰে বুৰদিল কিন্তু পথমেৱাকে কনাকশৌ
 গুট আহানৰ চিকাৰি-মাকারিৰ চেউ আগই তাৰে বারো আলখক
 পাৱগত থ দিলগা। মূৰগ তুলিয়া চেইতে দেখল দীপুৰ ইঞ্চুলগৰ
 গেইটহান। স্কুল-মাংকলে উবা আছে মাদাৱগৰাং দীপুৰে সমজাদিয়া
 নুকুলিঙ্গ।

অফিসে আয়াও শান্তি নেই। ফাইলহান সালকৰিয়া চেইতে
 মেয়েকতে আকগও নাদেহেৰ কালাসেনা। হুদা দেহেৰতাই—

জেলগর ফামে ডাঙর ডাঙর দলান, পেটোলা মহাজন, আরবর উর্দিপিদা
শেখ, মনমরা নিউল,—টিন আকচিলা পেটগত অপারেশনর শিলাই
—For Sale ।

‘নাইলছে । টিন এচিলাই মোরে পাগলছে করতই দেহুরিতা ।’ সুপ
মেয়েক নাদেহিয়া ব-কলমগ অয়া থাইলইছতে বালা অইলইছ ।
মেয়েক দেখলে হিনহানতে এহান আছে । এহানিম্পারা বিষয় এহানলো
কামদুম নেই খালকরতে খালকরতে —’

কালাসেনা কানাহার মারেই গাছি আঙুলিলো জাতেয়া বয়া থাইল ।
পিছেতে অবশ্য অফিসর কামর চাপে চিত্তা এহান মুরগত কত
ঘন্টারকা ক্যাজুরেল লিভ নিলগা ।

অফিস ছুটির পিছে পুতকরে ঝুলেত ওককরিয়া মুওর পথর
ফুটপাথহানাত উবা অইলগা কালাসেনা । আদল আহান উর্ধবাহু
অয়া রিকশার তপ করিয়া নাপেয়া পুতকরেলো বারো আটিয়া
সালইল । পথগও ইমে জেলরোড । হাবিত সাম পথগ । জেলগ পানার
আকাক ওহানাত কালাসেনারতা মনহনর আছুল ঠেলাই তাপ উঠিল
পারা । এখুরুম শৌ এগই আংকরলে কী জুৰাব দিতই? আংকর-
তইহানতে সৈনেই । কিয়াবুলে উহানে তার দস্তুরহান । আচানকহান
জেলগর কাদাহান ফৌঅইলহাতা পেয়া শৌ এগই কুনো প্রশ্ন আহান
নাকরল । যে ইম্পাগি অয়া অটগি ফুলেয়া বাপকর লগ ধরেছে এহান
সুপ খতাহান না খুলেছে । হাংকার টিনর শাও ওগ পানা ফাৎনেই
মাল-আমাল বিকিকিনির উরুও ডরুও শব্দ আহান কানহানাত
ফৌ অইলহা । কি খৌরাও আহানলো কালাসেনা রেওকরে ওগদে
আকফির চেইল । চেইতেই দিন এহানকার তার যত প্রশ্নর উত্তর
পুল্লাপে পেইল । অনথকপা দৃশ্য আহান দেখলতা, হারৌহানে তার
গারিমন তৃপ্তিলো হিনেইল । তা আহিয়া চেয়া উবাইল । হাংকার
নিউল, মো কুনোগও নেই । নেই গাবুরাপুরা ওগিও । শাওলৌশ বুজ্জ
আছেতাই হুদা বাহা বারো গল্পালো সাজেল করিয়া হওকরা চিয়ার,
টেবিল, মুরা, গুরার সেলপাক, খেলনা যতইতি । বানিশ করেছি
বস্তু এতার গজে মাদানকার রাঙিরা রইদর মিঙালহান পড়িয়া
চকচকেয়া কতিরো হবাছে বুঝে পাতামনা নেই । মনে অর বস্তু

এতা নুৰা ফিজেতে হাজিয়া বতীৰ, লেইচন্দনলো লকুৰা গিরিগিথানৰ মেইওক করতারাৱা। জেলৰ কয়েদি কতগই বস্তু এতা বানালো য়মকরিয়া খরিদারৰ আতে তুলে দেনাত গই লাগেছি। তানুর গারিত কয়েদিৰ ফিজেত থাইলেও মেইথঙে মিঙটা আহানও নেই অপরাধৰ ভাব। বরং তানুর মেইথঙেত পাহিয়া পড়েরতাই শিল্পীৰ ঔনাপা স্বৰ্গীয় মুকসি, সৃষ্টিৰ অসীম অপূৰ্ব হারৌ। কালাসেনাই হারপেইল, এ বস্তু এতা হাবি জেলৰ এ শিল্পী এতার আতৰ কাম। সরকারৰ কুটীৰ শিল্পৰ ঠৌরাও আহান। কালাসেনাই ভারত সরকারৰে ধন্যবাদ দিয়াও নাপেলইল।

এহানে আমার কুটীৰ শিল্পৰে থানি আগ বারাদিলতা সিচ্চিল নাগই অপরাধী এতারে আতৰ কাম হিকুৰেয়া সৃষ্টিৰ হুৰাতহান তাওকরে দিয়া তানুর মুঙে জীবনৰ নুৰা মিঙাল আহানও আংকরে দিলতা। পুলিশ কতগও আছি। রাহিয়া আছি বুললে হুদা দঢ়া নাগই লালই-তইওছাৎ। কিয়া বুলে মারুপগির সাদানে তানুরে পাংলাক করতারা বারো হারৌৰ অংশীদার অইতারাৱা থকয়া। সাইনবোর্ডহান দেহিয়াও পইলাত কিয়া এসাদে হবা উদ্দেশ্য আহান খালকরে নুৰাৱলতা বুলিয়া নিজৰ আতলপা মনহানৰে গালেইল —‘চিঃ—’

এবুজো অটগি ফুলেয়া আছে পুতকরে খাওয়া আকখুরুম চেয়া জেপগ পরখ কৰিয়া পুতকৰেলো কালাসেনা শাওশৌগত হমেই-লগা। দীপুৰকা গল্পাৰ বেতৰ হবা ময়ূৰ। আগ, শৌগৰ মালকৰকা ভেনিটি ব্যাগ আগ লইল। পুতকৰ আতে ময়ূৰগ দিয়া তা মাতল, ‘এবাকাতে হারপেইলেনাই, এপেইত কিতা বেছতারাৱা?’ দীপুৰ কুনো জুৰাব নেই। বাপকরে, কয়েদি ঔতারে ফেরকো আকখুরুম চেয়া মেইথঙহান বারাদে বুলেয়া থাইল। কয়েদি ঔতাই তার গালগ সিম্টা দিয়া আতৰ ময়ূৰগ ব্যাকারেয়া হম্মা কৰিয়া চেইলা, কানা নাইল। তা আরো দিবগুণ অটগি ফুলেয়া থাইল। হাবিয়ে নুওপাও অইলা। কালাসেনা পুতকৰেলো পথগত আছিল। তারে মাটিয়া মাটিয়া আংকরল, ‘দীপু বাবা কিয়া সৌঅছৎতা?’ কুনো জুৰাব নেই। ‘দীপু মাতনে বাবা, কিতাও নেই মাত। হুতুমে ঔহান মাত।’ এসাদে

কতোখুৰুম মাতানিৰ পিছে দীপ্বাপকৰে কূপকৰে কতোহান চেইল ।
পিছে ময়ূৰ ঔগৰ লেজগ খুটা খুটা য়ারোপা নার আগলো মাতল,
'হাওকা আংকৰতেতে কিয়া নামাতলে ? মি হারনাপেইলেতে লগে
লগে হারনাপাছু—'

তা আর লমকৰে নুৱাৰল । হকগই মুণ্ডে ফাম কালকৰলগা । ইলেকট্ৰিক
শক্ আছে মানুগৰ সাদানে কালাসেনা বৃদ্ধি লৌশিও মাওইল । দেশৰ
সুনীতি দুনীতিৰ খবৰ থইতে এৰে হুৰু মন এহানৰ সঠিক খবৰ
এহানতে বৃদ্ধিৰজীবি বাপক কালাসেনাই থ নুৱাৰেছেতাকো । তা
পুতকৰে জীওধৰে চেয়া থাইল—হাকিমগৰ মুণ্ডে আসামীগৰ ডেকি ।

—২২ই জুলাই' ৮২ইং

মিমাণ্ডে কানার কেইরাক

হজ্জকারি য়ৌকরে আকচুম দিয়া পিতারেইর আরি ঔগ মাঠিয়া মাঠিয়া মিকুপ আহান তুমিল অয়া থাইল কাশীপুরর পালাপা মুক্তিয়ার গোলুকচান । নাকর ছিদ্রগিদে ধুমার লঙ্লেইগি এরদিয়া, সুরা-খহান পেয়া, তাপথা অয়া তা মাতল, 'ইতাও বরজো, মুক্তিয়া—র বুলিল কথা এহান খেলির কথাহানতে নাগইকো । মিমাণ্ডে আহানি এহান অতি—ঈ চিল্ কামহান এনা । রাতারাতি কুনোগই পারিলহান নাগই ।' শব্দগলেহে গোলুকচানর থতাদে খেই খেই অয়া নিকুলিল ধুমার পারেও ঔতাই তার কথা এহানরে নিয়াম বরি করে দিল । ঔতাত্তও জিঙে বরি করেদিলতা তার খাওনাকার কথা এচুটিয়ে—এঁয়া, এহান-লোকো আমার মাইবা খুড়াই মাতলতা—

ঘর ফৌর, তে মাংকল ফৌর,
মাংকল ফৌর, তে উঠান ফৌর,
উঠান ফৌর, তে মালঠেপ ফৌর,
মালঠেপ ফৌর, তে গিয়া দেশ ফৌর'

লগে খৌরাওপা মুকসিলো নাপকরে দিলতা শোবালশৌ আহান,
'বু পরলেতা ইতাও বরজো?'

হৌরে নুন আছেগানেই না নেই চানারকা অকালে বুড়া-মালপা কুনোগরে আকতারৌ দিলে, অছেগা নাছেগা হারপা নুঝারিয়া 'হার নাপাউরি' বুলানিও সন্মানে বাধিয়া কৌশলে যেসাছে মুরগ লরেয়া লিতইতারা গোলুকচানর প্রশ্ন এহান হুনিয়া অবিকল ঔসাদে মুর লরেইলতা বিল্গাওর বরজো মুক্তিয়ারে । তারে মুক্তিয়ার বুলিয়া দশগই নামাতালও তানুর দলর নীলোমাধব, মেরাচাউবা এসাদে দুগআগইতে মাতানি অকরলানাই আকদিনতে ইমে হাবিবয়েও মাত্তাই ।

ଓତାହିଲେ ଆକସୁରୁମତେ ଦଳର ମୁରୁସିଗ ସୈନାୟା ଅହିତହି ଜନଗ ।
 ହାତ୍ତେ ଏବାକା ତା ଏସାଦେ ତଦ୍ଦର ଯ୍ବରି, ପୌରେହିର ଅର୍ଥ ମାତାନି
 ଫାତନେହି ଫଟ୍ଟକୋ ହାରପା ନୁରାରାନି ବୁଲିଲ କଥା ଏହାନ, ଏ ବିଦେଶୀ
 ଉଦାକ ଏଗର ମୁଠେ, ହୁଦା ତାରତା ନାଗହି—ପୁଲ୍ଲାପେ ଦଳହାନ ହାବିର
 ମେହି ସୁମଠିଗ ଅନାହାନ ପାରା ଅର । ଓହାନେ ତା ସିଂଘା ମୁରଗ ଲରେ-
 ହିନତା । କିନ୍ତୁ ଗୋଲୁକଚାନଠ ଆର୍ଯ୍ୟ ମୁକ୍ତିୟା ଗ୍ବ ଥକୟା ବରଜୋର
 ମନର ଭାବ ଏହାନ ହାରପା ବେଲ୍ଲ । ତା ଆର ଆଠିଆ କଥା ନାମାତିୟା
 ତାମ୍ପ ତାମ୍ପ ମାହିବା ଖୁଢାର ପୌରେହି ଏହାନ ବରଜୋହି ହରପାକ କିନ୍ତୁ
 ଦୁଃଖ ନାପାକ ବୁଲିୟା ନିଜରେଲୋ ବାଧ୍ୟା କରାନି ଅକରଲ—ହାରପେହିଲେ
 ବରଜୋ, ପହିଲା ଘରର ମାନୁର, ଗୁହଣୀ ବାରୋ ସୌସୁମାରାର ମନେ ଫୌ-
 ବୟା ହାବିରେ ଜୟ କରେ ପାରଲେହେ ଘରର ମିକକ୍ଗ ବୁଲିୟା ମାଂକଲେ
 ଖାଲିୟା ବ ପାରୌରିତାନାହି । ଓସାଦେ ବହିଲେହେ ଜାତିର, ଲକେହିର
 ନାନାନ, ବିଚାରଲୋ ଉଠାନେ ପାଲହିତୁନାହି । ଜାତିୟେ ଏକ୍ମନ ଅୟା
 ଶାକରଲେହେ ମାଲଠେପେ ଗାଠର ମିଠିଂଘେ ବା ବିରାଟି ସନ୍ତାତ ମୁକ୍ତିୟାରଗ
 ବୁଲିୟା ସନ୍ମାନ ଦିତାନାହି । ଓହାନେ ମିମାଂଘେ କାନାର ମୂଳ ସୁମୁରୁଗ
 ଅହିଲତାହି ନିଜର ଘରର ମାନୁର ମନେ-ହେ-ହେ-ହେ-ହେ ।’

ଗୋଲୁକଚାନର ପହିଲା ବାରୋ ଧାମତଲର କଥା ଏଚୁଟିୟେ ବରଜୋର
 ମନର ଲୁ ଫାମ ଆହନାତ ବେଦାକ କରେ ବାରି ଦିୟା ବେଲ୍ଲଛାଂ, ଓହାନେ
 ସୌବନିର ଭାବ ଆହାନ ତାର ନିରାଲର ଧାଚେ ବାରୋ ଆହିଥମେ ମେୟେକ
 ସେଂଘିଲତା । ଗୋଲୁକଚାନେ ତାରେ ଆର ସୌବନିର ସୂତି ନାଦିୟା ଉରାଦାରା
 ହଜ୍ଜକାରି ସିଲକରିୟା ତାର ସୌବହିନାନରେ ଡୁଫା ଦିଲ । ଏରେ ଏବାକା
 ଲେମଆଗର କାଦାତ ମାଂକଲେ ନିରାଲା ଆଧାରେ ମହାର କାମର ଧେୟା
 ଧେୟା ପୁରାନା ଉଦାକ ବରଜୋର ତୁଲୋ ଯାରି ଦେନାର ଉଦ୍ଦେଶ୍ୟହାନ ଗୋ-
 ଲୁକଚାନରତା ସଫଳ ଅହିଲତା । ବରଜୋ ଧେ ଝୁମ ମାରିୟା ମୁର ନଂଘେ-
 ହିନ ଏହାନ, ତୁଲାନିର ଯାରି ନେହି । ଆଗଦେତେ ଗୋଲୁକଚାନ ନିୟାମ
 ହାରୌ ଅହିଲ । ଏସାଦେହେ ଝୁମ ମାରିୟା ତା ଧାଲକରକ, ନିଜେ
 କୁଂଘପହତ ଫୌବଛେଗାତା । ତେବ, ତେବ ସୁପ ଜୁରାବ ନାଦିୟା ଧାହିଲେତେ
 ଯାରିତେ କିସାଦେ ଦେନା । ଓହାନେତେ ତାନୁ ବହେଛି ଓପେହିତ ତିନଗ ଘର
 ବେଲେୟା ହୌବାରାର ଘର ଓଗିତ ଗ୍ୟାସ ଲାହିଟ ଆଗ ଧାଲକରେଛି ଓହାନ

দেহিয়া গোলুকচানে আংকরল, বাছা বরজো, নিয়াম্পা লকেইর ঘর
ওগিত গ্যাস আগ থালকরেছি তাতে কুঙগ কিতা অইলাতা না কিতা ?
এখুরুমতে বরজোই জুৰাব নাদিয়া নুবেইল । তা মাতল 'হায়,
গৌরখুড়া ওগ দৌ অ পড়িলগাতানা । আজি নৌ দিন অইল ?'
'হরে কৃষ্ণ, হরে কৃষ্ণ । বাহা ইতাও, খুড়া ওগতে, তুমার দলেদে
আছিলগনা ?

'হায় ।'

'অ—ওতাইলে কৰ্মহানতে ইমে এগদে লেপইল. না কিতা?,
'হায় হান্তে তার জেঠা মুনিশৌগোই খানি নলতল আহান
করেরতানা ।'

'অবায়ো । বাছা তার মুনিশৌগর নাঙতে কিনাঙ্থাঙ ?' 'মহিমা'
ঘানি সৌরয়া বরজোই নাঙ এহান মাতল ।

'কুঙ গাঙেত্ত বিয়া করেছেগ ?'

'ইমে গাঙেত্ত ।'

'কিতাতে করের ?'

'ওরে বাজারর কাদার ইক্ষুল ওগত মাঠারিনেই, ফাঙ্কারামিনেই
করের তা জানে ।'

'অ-ওতাইলেতে বাক্সাহে লেরিক তামকরে বেলাছে ।'

'না টটরেই ইতাও । মেয়েকগি দেহে বেলেয়া মানুরে মানু করে
নাদেহের । এবুজো দাদানা খুড়ানা বুলিল ইরাং ওহানৌ হারনাপেই-
তোকো অইলো । বারো, মাষ্টর মানুগ চরিত্র ওহানতে ঠিক থানা
থকনাই । এবাকা বিয়াসাদি করিয়া শৌসুমারা অইলে মানুগই বারাদে
আহি দেনা থকতা ? চাতা ইতাও—'

বরজো চানাপ্পা ডালগ খেয়ইলহান গোলুকচানে উরাদারা তারে
খামকরিয়া মাতল, 'থ,থ,ইতাও । কলির শৌর কথা মাতিয়া লাভ
নেই এসাদে দুহান আহান কথা মাতিয়া গোলুকচান গুরাপানা খেয়া
উরাদারা উঠিল । বরজোয় রাতিকার সেবাহান তার ঘরে করানিরকা
হেইচা করল । লেহাউচাউবীও । গোলুকচানে এ গাঙে দেখি তার

হালিনকরে এলেয়া কাটেইল । পথে আকখুলাগই খালকরে খালকরে তা আগুবেইল—হায়, বরজো কিগ আছিলেগই আজি কিগত পড়েলগাতা । সং মানুগ বুলিয়া হাবিয়ে সলকরলাগ । ঔতার গজে আজি দশগরাং মুক্তিয়ারগ বুলিয়া পালনির হন্না করর জনগ । বান্ধাও গজে কা পড়লেগা । এবুজো মনহানরে রাইসাওকরে নুবেইলে, কিসাদ ফৌর পারতাওতা ? পইলকার গৃহিণীগ শৌসুমারা থয়া পেইরাক দৌ অপড়লীগা আরো নিয়াম হিনপেইলেহান দেহিয়া হনু-বারিয়া, মিনা, মোর উদাকগ বুলিয়া মোর গাওর নৌ-নৌ করিরী লেহাউচাউবীরে লেপকরে দিলুতা । তেই নিয়াম সরল বারো ডঙ্ডঙা নিওলগ—পইলাকার মিশিলে তি ঔতা চিনে নুবারলেতা বারো তেইও এবাকা কনাকগ নাগই, তিনগ শৌর মালকগ অইলী । হাবির খুলী উগওতে—এ কিনাও থাও—ইন্দারাগী, হায় ইন্দারাগী, আজি দেখলু আঙালুরি সিলকরিও সিলকরিও বুলিরী । এবাকা তেইরেলো যেগ হেগর লগে সন্দে করে করে হিন দেনা এহান—ইস্ কতিরো আত-লপা কথাহান অইলতা, হায়, হায়, হায় । যেতাও অক মুক্তিয়ার-গরে অনা মনেইলেতে আজি মাতিয়া আহিলু কথা এহানি খানিতে ইমে খালকরতই । আঃ, এসাদে করতে করতে ভগবানে দিয়া তওল অইলেতে—হরে কৃষ্ণ, হরে কৃষ্ণ—’

২

বরজোই কিন্তু উদাকে মাতিয়া গেলগা কথা এহানি হুতমেও ঝুম মারে মারে খালকরানি অকরল—না, গোলুকচানে নাহানতে নামাতেছে । বরজোরাং কিহান নেইতা ? ফিবামহান, বুদ্ধিহান না দশর লগে টটরানির কায়দাহান ? এতা হাবি থায়াও আজি কিয়া মুক্তিয়ার বুলিয়া তার নাও এহান পরগণায় পরগণায় না উড়িলতা ? অথচ হৌ দলর মুক্তিয়ার বুলিয়া পালছি ঔতারতা বয়স বারো গড়েইপা আনকহানি ছাড়া আর কিতাওবা আছেথাও । ওসাদে হলোডুফা ঔতাওতেনা আজি মুক্তিয়ার বুলিয়া মুর হেইকারিয়া আটতারা । চানাপ্পা মিমাওে কা পড়লাগা । না চুমছে, মাইবা খুড়ার পৌরেই

এহান একেবারে আৰুইপাহান আছে। তা খানিপ্পারা কাইও বুলতে এ মিহুল এগইহে পিঠিয়েদেত্ত কির কির আছুলিয়া লামা দেৱনাই। বাৰো জেনা এগও, মাতিল কথা এখুরুমতে সুপ নাইনিরী। তা ঠিক নাপার বুল্লেতে ঘৰে ইম্পানি অয়া বয়া থাক এনে। ঔহানতে নেই। লেইফামর ঘণ্টিগ রহানি ফাতনেই মন্দিলাহানিলো তেই আগে ফৌঅই-রীগাতা। গাও এহানাত আৱতি দেকুৱা আৱ নেয়ইলাতা উনি, বাৰো সুত্ৰধাৱীত বনা বুল্লে অইরী হেইনা ঔহানতে। মাতলে মাতিৱীতাহ 'জেলেই এইলাও বুলিয়া অমারতাতে হাৱৌ পিয়ম নেইথাও, হুদা চাকাম ফুদে ফুদে থাইতাওইতাতে। আমিও মালঠেপৱ কাদাত ডাঙৰ অয়া আহেছি। চৰ্কাণ ঘণ্টা ঘৰে ভিতৰে থানা নাহিকেছি।'

নুৱাকালেতে বাক্কাও ডৱেয়া লজপেয়া চল্ল। এবাকালে জিপুত ডাঙৰ অইলা হান্তে অত তুলে নুৱাৱতৌহান দেইয়া সুপ কা-হাঞ্চিল অয়া চল্লিৱী।' বৱজোই আজি লু—কৱে খালকৱিয়া চেইতে হাৱপেইল তেইৱ এ নাগনিয়া উৱা উৱা টটৱানি এহানো অকৱেছেতা তাৱ মূৱগত হবানেই মিহুল এগ হমাছে দিনেত্ত। নাঃ, মিহুল এগই তাৱ হাৰ্কাতা মাওকৱে দিল। এগ মূৱগত না লামেইলে জিংতা অয়া থানাৱ কুনো দাম নেই। ইন্নে আজি, এৱে একবাকাত বৱজে খুটি লিওইল, আৱ তা এতা চিন্তা মূৱগত ফাম নাদতৈ—নাদতৈ—নাদতৈ।

পিছেকাৱ দিনে বিয়ানতো তা খালহানিলো গেলগা। লেহাউচা-উবীও আৱ আৱ বুৱাউলীৱ লগে বালাত গেলীগা। আজি তানুৱতা বালা পড়েছেতাই নিয়াম্পা লকেইৱ ঘৰ ঔগিত—মহিমাগাছিৱ ভাতৰ-বাৱাৱ ধনাবাবু খুড়াৱ ঘৰে। আজিতে বৱজো সুপ নাটটৱল। পাহুৱিয়াও অন্যদিনৱ সানে তেৱাদেও নাচেইল। তাৱ য়েইমাপা পুতক ঔগই অয়া আলি খুৱেয়া, আল সিলকাৱিয়া পাংলাক কৱল এতা চিন্তা তাৱ মনহানাত হমানি নাদছেতাৱ নাদেছে আৱো পুতকৱে চেয়া চেয়া আৱাক বহকশৌ আগ আনানি থকইতইতা নাকিতা বুলিয়া বৱজোই খাল কৱল। হাবিৱ জেঠা ঔগৱেতে দৌৰে দিয়া দিব্বহুৱ আগে লমকৱে বেজ। এ দুগুলিৱে থয়াহে তাৱ পইলাকাৱ গিথানক ঔগ পেইৱাক দৌ অ পড়লীগাতানাই। জেঠা ঔগই মেলেটেৱীত থায়া

পইলা পইলা রূপা খানি উড়েইলেও এখরুম বহকশৌগরে লগে নেনার
পিছেত্তে বালাপারা খানিমানি দিয়াপেঠানি অকরল। বহকশৌগও
কিয়া ঔবারাদে নিয়াম চেকচিলকো বারো সিওহানতে। ঔসাদে
আরাক আগুলি এ ফাল্গুন এহানাত—’

বরজোর এসাদে খালকরের তানজা ঔগত তার চিত্তা এতার-
হাদি ফেরে ফেরে বিচারি পাচচিরা উত্তরে গোছা দিয়া দিয়া লেহা-
টাউচবীয়ে দিরা মনশিকার খল্লিক ঔগ বরজোর কানহানাদে না
জিরেয়া হমেইতে থাইল। খলপাওে আছি বালাহান হাবির নারও
মাথাওে ফৌরইলগা। তেব বরজোর মনহান ইনা আগাছৌ না থেয়ইল।
বেলীহান হেঙ্গ মুরর গজে কাইও কাইও বুলতে লেহাউগাডবীগাছি
সিয়াও করে নেয়ইলা। একাকা রুবাউলীর এলাই হস্তকে হারৌপা
আহানিয়ে অম্ অম্ করল বিহান ইঞ্জিচক চিকইল। বিহানাত নুৰা
আলির গোছা বারো গুরার ডুগাত মমকরা, রুবাউীর রকতলো
ডিলডিল তাজা দুলিপক ঔতা ছাড়া আর কুনো চিন নেয়ইল। খানি-
পারা পিছে বরজোও চাহান লমকরিয়া গুরুগি এরদিয়া উকেই
লাওললো ঘরেদে সালইল। পুচক বারো বিলে তা বহেয়া আছেছে
পারণ ঔগ আকতুনা আনাত বুলিয়া গেলগা।

বরজোই ঘর ফৌঅয়া সাওগত আলকিতা থইতেগা সা সা করে
দেহের ধনবাবু বুড়ার উঠানে লেহাউগাউবীগাছি এলা দিয়া দিয়া
আকসাটে নাছাত লাগেছি। বারাদে শৌ কতগই কলার পাতাত থৌরে
তাজা চানা বিলাত গই লাগেছি। বাপকর কিরাত বহেছে মহিমও
কাচি খুচই বারাদে যতনে থয়া মাওকলর খুটাগত ওয়া ঔগদে
কৃপকরে চেয়া আছে। হয়তো তা নিজর ক্ষেতিবারির কথা খালকরের।
যেতাও এক, বরজোই ঔগদেত্ত আহিথম ফেত্‌কো থেইকরল।
অনাদিন অইলে এ কাফামে কুম্বাকাতও গারির রকত হাবি চুর করে
কান্না হুদেইল অইছ কিন্তু মান কালি সংকল্প করে বেঙ্গতাতে থকয়া
দাতসুরিলো জুৎকরে রকতহাবি থিওকরয়া মুরগত ফৌঅনি নাদিয়া
আলথক ফমে দিয়াপেঠা দিল।

বেলীটিকর ভাতপানী থেয়া ফামহানাত ওয়া হজকারী পিয়া

পিয়া বরজোই মইলকরে মাপা করিয়া মাতল, ‘কইতে হুনায়তা, বিহানতে হজ দিয়া লমইল হান্তে কালি তুমার বালা ঔহান আমারং পড়লে নাকরবতা । বিহানাত পানিও য়াতেছে । কাকাড়ার গাত এতাই থিওকরা পানিছিটাও লামে পড়েছেগা । ডিলইলে বারো হিনইতই ছাৎ ।’

লেহাউচাউবী উদালহানর কাদাত বয়া তেনা আহান পুড়ে পুড়ে জাওহানির দুলিপক ধরেছিল। ফাম ঔতাত ছালি ঔতা লাগা লাগা তার কথা এহানি ইম্পানি অয়া হুনল । বরজোই কুনো সাড়াশব্দ নাপেয়া হেইরাপ বারা কাতির। অয়া চেইতে তেনার ছালি লাগেইরী ঔহান দেহিয়া বানাপেইল নার আগলো মাতল ‘ইস্ বিহানাততে দুলিপক নিয়াম অছিনা । হায়, গাতুরা জাগাহাননাই । হান্তে তারপিন ঔতা ফুটি জাওে আতে গছিয়া গেলেগা য়াকরেরনাই । হেলার রকত ইস্—’ লেহাউচাউবী পেইরাক হাবিতা পাহুঁরিয়া তারে খাওয়া কুপ-করে চেয়া থাইলী । আজি অনেক দিন—কী দিন—কতো বছর পিছে তারাংতো এসাদে দরদী কাথ হুনলতা । তেই কল্পনাও নাক-রেছে । বরং আজ রুঝাত যিতেগা বারো আলইতে দেহিয়া কিতাও নামতল এহান, বেলীটিকে হুচিয়ে হলায় বিনা বিদা টটরতইছাৎ বুলতে এসাদে ঠুম কথা হুনিয়া তেই হাগ্হানাত পড়লী । বহু দিন আগে মাওছেগা মনর মানুগরে পেইরক আলথক পেয়া তেই হারৌ-হানে থাইল পথ নাপেইল । হারৌপা পৌলো ঘে রাঙিরা রওহান তেইর গালগিত নিংশা মাওয়া ধাবদে কৌঅইলগা, এতাপারা মাছালি বারো রইদে পুড়া দাগর হাদিতও ঔহান লুকেয়া লুকানি নুঝারল ।

হারৌর চুটে মাদানকার ঘুমহানাও লাম বেলিয়া কুরাং ধাবদিল । গারিগর বাহিন হাবি আম্পানে ক কইল । ঘরর আদিরি-দিদির কাম করতে করত বেলী হমানি বিত্তা অইল । লেহাউচাউবী রুঝা-উলীগিরে কালিকার কামর ফামহান বাগাত ডাওর অয়া সালইলী । ‘লেইকিরগিরেতে সেন্ধাতও আকপাক দিয়া মাতানি য়াকরের, বেলী হমানির আগে দুরেইরগিরেছে মাতিয়া আহিংগা—’ বুলিয়া তেই মুওর লেইকিয়েদে সালইলী । ঔতাও মাতে পারিলহান নাগই বুলিয়া মুক-ফুলো হংকরেছি লেম আগতে ইমে লগে থেছে । মনে মনে তেইর আরাকৌ উদ্দেশ্যে আহান—এদিনেই ইন্দরাণীর বাপকরেলো যেতা

হেতা মাতে মাতে তেইরে যেতাই নুঙেইগা ঘুম নাদলা আজি ওতার দাত বাগেদেনা । বেয়াপার গিরাগিরি কথানা, জির পেপুরার কামরেত্ত জিও বেণেপতা । লেহাউচাউবী বুলতেগা এদিনেই জারিয়া আছেতা ।

মুঙর লেইকিরতা লমকরিয়া তানুর লেইকির নিয়াম্পা লকেইর বৌবেই ওগিরে মাতিয়া নিকুলতে সেন্ধানহানও লালইলগা । এমনৌ আধরার পক্ষহান, ওতার গজে দিনহান মেঘাণা করিয়াতে চারিয়ো বারা নিঘোরগ আছে । কেরবঙ, গঙগারা বারো বরিষার আর আর পকজক আকসাটে নিশিপালনে বয়াতে কান কালুবা করতারা । অবশ্য, উঠানে উঠানে সাময়া ষিতইগা হান্তে লেহাউ চাউবীরতা ডরতে নেই । তেই ফুতিহান কাকরিয়া জুৎকরে পিদিয়া লেমগ মুরগত্ দিয়া হারৌ হারৌ অয়া ঘরেদে সালইলী । তানুর ভিটাগর পানি ধাবদের খঙহান লালয়া পারাদিঙ বুলতেই ‘হইম্মা’ বুলিয়া খাওয়া পিঠিয়েদে আলইলী । আঠিয়া কলাছপার পিঠিত নিকুলিয়া, এক্কে-বারে বাট্টি খুত্তেই আহান পিদিয়া কুম্ছালিগ পারা কুঙগ আগ তেইরে থেঙকরিয়া উবা অইলগা । ‘কুঙগ !’ ডরা ডরা তেই মুরগত্ লেমগ লামেয়া ধরতেই মিঙালহানাত মানুগ চিনল । ‘হবায়’ বুলিয়া চারিওবারাদে মানু চেয়া উরাদারা ফুদিয়া লেমগ নিভা বেজ । নিঘোর আধারহানাত তেইয়ে মানুঙগয় মুঙামুঙি অইলা । খঙহানর কেরবঙ বারো গঙগারার রৌহান আরকৌ জবর অইল । ওতারে জাতেয়া আরাক ভরি নার আগ লেহাউচাউবীর কানহানাত টঙ্‌টঙ বারি দিলগা, ‘কুরাঙ গেছিলেগাতা ?’

“চি — ?” লেহাউচাউবীর হুরু জুরাবহন । তেইর হাকি আশা হাকি হারৌ মিকুপহানাত মাঙইল “কুরাঙ গেছিলেগাতা ?”

“নরকে ।” খানি ইম্পানি অয়া পেইরাক আকসাটে তেই মাতল, “মি বৃন্দাবনে ষিতৌগা, বৃন্দাবনে থাইতৌগা আর নুবারলু” — কুরা-ওকার হেক আগই আয়া তেইর কথা এহানির তুলো বেরাগাঠুনি লাগানিয়ে লামলাকে খামইলী ।

তেব বরজো, হায় বরজো পথগত্ না সেচিলহান দেহিয়া বারো লেহাউচাউবীয়ে মাতল, “কালি আমার বিহানাত বালাহান পড়ানি

বুলে আরো রুবাউলীগি মাতাত গেছিলুগাতানাই। চিঃ বুড়াকাল পেয়া—” ।

“ওঁচা, ওঁচা—নাগইগদে নিলগতা। মোরে কত্তি শাক্তিগ ঠৌরা বেঙ্গতা।” বরজোই থতোমতো খেয়া উরাদারা জুরাতালি দেনাত গয় লাগিল। “রুবাউলীতে আমার দলেতে নেইথাও, বেদলর রুবাউলী মাতাত গেছতগাতাতে। আরতারাং যেতা করিয়াও থাই, এ বরজো মুক্তিয়াররাও বেদলরতা যৌঅয়া বালা পড়ানি—মানুবে কিতা বুলতাই, ওঁহানেহে যারৌ করিয়া মাতুরিতানাই।”

সরলা লেহাউচাউবী দলর কথা এহান ঠিক নাপেইলেও কিন্তু হারৌ অইলী। আরতা যেতা অয়াও থাক তেই যে সন্দেহান করিয়া দুঃখ পাছিলী ওঁহানতে একেবারে নাহান আছে নিঙকরিয়া তেই সি করে মুকসি আহান দিল। হেইরাপ যারৌপা নার আগ মিশল করিয়া তেই মাতল, “তুমি মুনিয়ে কাম নাপেয়া দল কররাই কররাই, আমি বেয়াপারেতে বারো কিয়া ওঁতাত আছুল-ঠেলা দরাইতা।”

ওঁতা বুলিরা তেই মাংকলহান তালকরিয়া কাকেই কারল। বরজোই তেইর নারগ হুনিয়াই হারপেইল সন্দেহান পানসানি অইল। সরলা লেহাউচাউবীর মুক্তিয়ারী বুদ্দিহলো তা বুঝা পারল হায় নিজরেতে বুঝা নুঝারলনাই। হুতুমেও মাতলেতে হেবানিয়া মিহুল ওঁগইহে এ আধার এহানাত এ ফিজেতলো আনেছেগনাই। নিজেতে হারপারনাই। “উম্, এরে এরে আধার এহানেহে মোর হাব্বিত ডাওর শত্ৰুগ আছে। আধার এহান যত বাড়ের এ খাল্পালর মিহুল এগও তত থাকে থাকে কাইতে থার। হায়! বেলা নুঝারলুতাকো প্রভু। গোষ্ঠিট থুওইছ এ আধারহান।”

বরজোই নিজরে নিজে শিরাপ দিয়া বেহর অয়া লেহাউচাউবীর পিঠি পিঠি লগ ধরল। তেই হেঙ্গ মাংকলে কায়া পিঠিবুলন দিতে দেহিরা, বরজো ইমে পিঠি পিঠি অয়া কাযারগা। তেই নারগ লুকেয়া ফিস্ ফিস্ করে মাতল, “হবায়, কতি কনাকশৌগ অইলতা। এবাকা শৌ ডাওর অইলা। এসাদে আকতা অয়া হমেইতে দেখলে কিহান নিঙকরতাইতাও হারনাপার। হ-ই-ম্মা”।

“অ-অ-” বরজো পেইরাক হুসহান আয়া ফেতকে! টঙ্গিগদে আলথক অয়া গেলগা। লেহাউচাউবীয়ে ঔহান দেহিয়া অটগি থতা-হানর ভিতরে আছুলিয়া চিপেয়া আহিয়া ঘরে ভিতরে হমেইলীগা। বরজোই টঙ্গিগত গুরুগিরে সেমটেইল সটান দিয়া জিপুতরে হুনুরেয়া লৌদিয়া মাতল, ‘খু খু—কইতে হুনরাইতা, এগদে থস্বেই আহান করে দেইতা, খু—খু—”

৩

পিছেকার দিনে কালাচিঙথেইত বেলীহান আহি মুজুরে মুজুরে হজাক অনা ফাতনেই বরজো একেবারে তঙাল মানুগ অইল। কালি রাতি হেইরাপ বারো আহেছিল হেবানিয়া মিহুল ঔগও আধারহানর লগে সাড়াক খেলা খেলা আলথক অয়া গেলগা। আজিতে বিয়ানে উঠানিত্ত চিনকরিয়া বরজোর মুর এগ সুপ সাওনাছে। রুবাউলী-রেলো বিহান কুনোরকম গুরিয়া ভাতপানি খেয়াও ঝুম মারিয়া ফামহানাত খালকরিয়া বহিল বরজো—কালি বাদে পৌরুতে নিয়াম্পা লকেইর গৌর খুড়ার শরাৎহান। আজি সেম্ধাত লেরিক হুনানির পিছে মিটিঙ আহান অইতই, ঔহানাত লেপনি শরাৎহান কুন দলে অনা। হাতে হাতে করতে পুন্নাপে নিয়াম্পা লকেইহান হৌ দলে গিয়া হদেই-লাগা। ইমে গৌর খুড়া আকখুলাগ খুটি লিওয়া আছিলগও দৌর খয়া পেইলগা। এবাকা তার কর্ম এহানও হৌবারারতাই কিতাপারা আছুলে বেলেতে, অরতে লমইলনাই। এদলর যাত্রাগ সহকারে সৈন্যয়া লড়ক খড়ক অনাত পড়িল। না না মরলেও কর্মহানতে নেনা নাদানি। ইমে মাটি কামারেয়া অইলেও থানা। এতা আকতাও নাইলইছতা, যদি গৌর খুড়ার পুতক মহিম এডুল বেডুল নায়া থাই-লইছতা। তার লগে মহিমরতা এমনৌ রাশিকর্ম তিল নেইতায় করের সাজেতে, ইমে আহির রম কারিয়া বেলা বুলের। হুদা দলহান চেইতেগা আহে আহে ‘মহিম বাবা’ বুলিয়া টটরারতা, নাইলেতে—

কুয়ালর দাতগি সুঅয়া উঠেছেনেই নানেই বুজনর গজে গজে অয়া টটরার। হৌদিনও এ বিষয়লো মিটিঙ আহান অইলতা। ঔবাকা কত বুঝেয়া চেইলাওথাও, হুনানিতে থয়রো উল্টা মুক্তিয়াররেহে বুঝ

দের, এ দলাদলি এতা বেলতাও ঔনি। এতাই ঔনি জাত এহানেরে ডুবোয়া থেছেতা। আর আর জাতরাংতো এহানলো আমার মগজ এতা বুখাতা।

আইস, কতি হারপেইলতা। দলছাড়া গাওদেশ পালয়া ঔনাতা। দল খেললেহে মগজ ঔতা চৌখাৎ অইতনাই। আমার জাত এহান লেরিকেদেতে হায় খানি আহান সিতছি কিন্তুুমান আমার সাদে মাথা হবা জাত আর দুনিয়া এহানাত আছিতা? দল খেলতারা আরোহে এতা হাবিনাই। আমার আপাবপাই লিঙখাৎ করে দিয়া গেছিগাতাতে আপ্পানেথাও? বারো এ মহিম এগই আকদিন য়ারি দেছেতা ঔনি, ‘এরে মাওনাপা দলআলা মুক্তিয়ার এতা জাত এহানর সুম্ এনা। এতাই ভিতর ভিতরেদে জাত এহানরে থেয়া থেয়া সুম-টিগ করতারাতা’। আপাওপা, জাত এহানরেতে মুক্তিয়ারেহে সেংকা দিয়া থছিনাই। আগেকার হেমন হেমন হাকিম জজ এ মুক্তিয়ারর থতাত পড়িয়া মেইথঙে ছুনুকালি গছিনা গেছিগাতানা? ইমে লেইপাকে নেয়া মেয়েক নাদেখতেগানাই।

মহিমতে মহিম, গাও এহানার গাবুরাপোরা এতা আকগই দল, মুক্তিয়ার এতা মরিয়াও নাকরতারা। মহিমরে দৌগ করে নিঙ-করতারা। কিসাদে যাদু করেছে কিতা বুলতাও। মাষ্টারগ অইল হানতে সুবিধা আহানতে আছেতানা। ঔতার গজে টটরানিরও জানেতানা। হাদি হাদিত এংগেরেজী শব্দ আকেইগি বরেয়া আঃ— এংগেরেজী নাইলেও ঔসাদে বাংলা শব্দ আগদুগ আজিকার মিটিঙে বরজোই মাতে পারলেতে আর তার কাদাত চেপোকুরা কুঙগ? কথাত বরানি য়াকরবো বাংলা শব্দ বিছারানি অকরল বরজো। খালকরতে খালকরতে মাদানকার পরে চেলাচকির পেইরাক পাখ জিপেয়া জমে হমানির সানে শব্দ কতোগ কুরাঙতো আয়া ‘ফুড়ুৎ’ করে বরজোর মূরে হমেইলগা। তারতা জাওআত জিরিঙ করল। এতা এতালো কর্মহামরে তার দলেদে আনে পারলেতে অরতে আজিরগাই তা চানাপ্পা মিমাঙেকো পড়িলগানাই। আহিল শব্দ ঔগি দিব আকখুরুম অরেয়া ‘য়াকরল’ বুলিয়া তা ফামহানাত লামিল।

“কইতে ইন্দারানী”, জিলকরে ডাহিয়া মাতল, “নামসার উপুগ

নিকালো দেতা ইমা, মি সেওয়া আঙগা ।’

হিনেয়া নুকুনগাছ পুছে পুছে ঘরর হমবুকে পারে দেহি আসন হানাত নামসার উপুগ মুঙে দিয়া বয়া বারো মাতল, ‘ইন্দারাণী, এগদে জল আকছিটা দিবেনাই, ডিলইলুনায়ে ইমা ।’ নাখে নিরালে নামসা গছিয়া, চুল আহুরেয়া, লেম্পালহানাত লেউরফুলর ফুতি আক-তুপ বেলেয়া, লাঠিগ আতে যালকরিয়া স্বরফাম চেয়া দল আছুলাত যাত্তা করল বরজো মুক্তিয়ার ?

(৪)

বরজো তুপ্সাম্ মরার ঘরে নাগিয়া মুঙর লেইকির তার দলর নীলোমাধব, মেয়াচাউবা বারো নন্দবাবুগাছিরে পুলকরিয়া ফালু হমাদিয়া, লেইচন্দন লয়া লেরিক হুনাত বহিলাগা । ব্যাস আসন-হানার ঠিক মুঙর ফালুত ইমা ইন্দল, বারার দিবয়ো ফালুত দিবয়ো দলর মুক্তিয়ার (খেই খেই অয়া) বহেছি বারো দিবতিন বেঙ দূরেইত কুণ আগদে বহেছেতাই কিরাদারি মহিম । চারিবেদে উবা অছি মহিমর হাবিত্ত বানার অধিকারী মুক্তিয়ারর নিরালর খাচ সৃষ্টিকারী গাঙর গাবুরাপুরেই । ঘরে ভিতরে হজক টিকির লেইসিলো গয় লাগেছি দলাদলির আঠুমপা স্নেকনাপী কাদাবাবার পুরিজেলেই ছাত্তী শৌ ।

লেরিক হুনিয়া লমনির পিছে প্রসাদ লকরিয়া হুদা ইমা ইন্দল হাবি উঠিয়া ভিতরে গেলাগা আরতা হাবি যার যার ফামে থাইলা । কতবিল ইমে গাঙর ক্ষেতিবারির য়ারি দেনার পিছে শরাংহানর কথা উঠিল । সাবেক দলর মুক্তিয়ার নন্দবাবুরে মাতল, ‘গিরিগিথানি, হাবিও হারপাছি, আমি দিবয়োদাপা তিলছিতা নিজরকা নাগই । এপেই রাতি এহান লৌদিলেও আকগইও বি আককুটি কিংবা আলি আক কুছারা মাগানা পেইতাঙাইতা নাগই, হান্তে কিয়া ?’ আনকহানর গজর বাইসাও ফাক ওহানাদে চারিওবারা আকখুরুম মিলেও দিয়া নিজে নিজে বারো মাতল, “আমি পুলোছিতা, কিসাদে করলে মির্তা এগর আআগ চাময়া ভগবানর খয়াত ফৌঅ পাররগাতা ওহানর পথগ লেপকরানিরকা, না কিতা ?”

হায়, উম, চুম—নানানগই এসাদে নানান শব্দ মাতিয়া য়াকরলা । বরজোও গন্তীর অয়া মুরগ লরেইল । তার আজিকার চালচলন হাবিরাংতো খানিমানি তঙাল তঙাল আহান বারি দেৱ পাৱাতা ।

“হায় হান্তে,” নন্দবাবুৱে নাৱগ তঙাল কৰিয়া মাতল, “আমাৱ গৌৱদা এগ অৰ্থাৎ আজিকাৱ মিৱতা এগ দলৱ পৱম ভক্তগ আছিলগ ! তাৱ আত্মগ চামনি ওহান মনেইলেতে—এ্যা—তা যে দলে থায়া আহিথম জিপেইল ইমে ওদলে কৱানি থক, কিতা বুলিয়াৱ গিৱিগিথানী ?”

পাচ পৱগনাৱ ৰূপোগসাই মুক্তিয়াৱে সভাহান হমাদিয়া কথাহান লইল, “তা নন্দবাবুৱে যে কথাহান মাতলাও ওহানী চুম; হান্তে খামতলেদে কিন্তু বুলিল আকুচুটি থা পড়িলগাতা । যে গিৱকগ জিয়াজিপুত, সাকেই-কুটম, এৱে সংসাৱ এহান এৱে দিয়া গিয়া পাৱ-লগা, ও গিৱক ওগৱ আত্মগ এবুজো কিসাদে আগেকাৱ দলহান এৱেদে নুৱাৱিয়া থাইলতা ?” পাৱিচেত কৱে খুচাগ দিয়া খানি ইম্পানি অয়া বাৱো মাতল, “গিৱিগিথানী আমি টেইপাও মানু এতাই জিয়া জিপুত, লকেই বুলিয়া আঙুলি বাগিয়া লেহেয়াৱতা কিয়া ? ঠৈগ কায়াগ এৱেদিলে তানু শৱাৎ কৰ্ম কৰিয়া মায়াজালৱ সংসাৱ এহানাত উদ্ধাৱ কৱে দিয়া ভগবানৱ ৱাতুল খয়াহানিত ফৌ অনিৱ পথগ সেংকৱানিৱপানাই । হান্তে বংশাবলীয়ে দেহমন এক অয়া কৰ্মকাছা ওতা কৱলেহে এহান অৱতানাই । এবাকাতে চেইক আমাৱ আজিকাৱ মিৱতা এগ সাবেকে আছিল য়াকৱলু কিন্তু তাৱ গোষ্ঠীহান হাবি লেইলেক অয়া থা পড়েছিগাতাই পাচ পৱগণাত । এবাকা তানু দেহমন এক আয়া যেগদে কৱানি মনেইতাৱা ওগদে কৱানি দেনা থক বুলিয়া মি নিংকৱৌৱি ।”

“উহান্তে ইমে সামকৱে পাচপৱগণাত অক বুল্লে লমইলনাই । আপ্পানে বাৱো যে দলে কৱানি মনেইতাৱা আহানও —”সাবেকৱ আফি-ওপা গিৱক আগই মাতিয়া না লমকৱেছে হাবিয়ে বাছেইক বাছেইক বুলিয়া খামকৱানি অকৱলা । আফিওপা গিৱক ওগৱ খলপাওপা কতগ নিকুলে পড়লা হান্তে সভাহান গৱম অইল । যতগ টটৱানি মনেইতাৱা খামকৱেকুৱা ওতাৱ দ্বিগুণ অইলা । এবাকা বরজো

কাফামহান চিনিয়া হমেইল । তা উবায়া মাতল “গিরিগিথানী, মেত্তমকা তুমিল অইক, তুমিল অইক।” তার নারগর বরিহানে, মাতানির কায়দায় হাব্বি মিকুপ হানাত ইম্পানী অইলা । তা তাপ্প মাতল, “গিরিগিথানী দিব্বোদাপার কথাতে এক পর্কার হুনলাও এবাকাতে থোপুগর মত আহান, মহিম বাবা কইতে—”

কিরাহান বারাদে থয়া কিরার ফামহানাত লামিয়া সভাহান হাবিরে দণ্ডবৎ অয়া হমা দিয়া তাপ্প উবাইল । তার মুনিথকপা ফিবামহান, গভীর জ্ঞানে উজ্জল আহির মিল্লেওহান হাবিরে কির্ করে আছুল দিল, “পুলদেছি গুরুজন গিরিগিথানীর মুণ্ডে মি এ অবুঝ শৌ এগই তত্ত্বর কথা আলোচনা করানি থৌবালেল বাগানিহান পারা অর । তেবো দশে য়াথাও দিলাও হান্তে মি নামাতিয়া নুঝারলু । মোরে ঙাক্করে দিবাও গিরিগিথানী । মানু অয়া থাইতে মতর অমিল থাইতই ফলে দল্লও থাইতই. ওহান নিয়মহান কিন্তু ও মতামিল ওতা গঠনমূলক দৃষ্টিভঙ্গির গজে, হবার কাজে অনা ওহান সমাজর উপকারীহান কিন্তু মাংনাপার কাজে অইলেতে ও সমাজর দুঃখর সীমা নেয়ইতই । ওহানে মি আগেকার মিটিঙেও মাতলু এবাকাও মাতৌরি আমার গাওর ওরে দল ওতা নাকরৌরিতা নাগই, নাকরৌরিতা দলর এবাকার উদ্দেশ্য ওহান । এবাকা যদি হাব্বিয়ে সিঙনাত লামিয়ার যে, হৌদলে কিয়ারে আঠারো মণ ধান বেলে আমি আটাইশ মণ বেলতাঙাই, হৌদলে বি, এ, এম, এ দশগ অইলে আমার দলে বিশগ নিকালতাঙাই । ডাক্তর ইঞ্জিনিয়ার বারোগ অইলে আমার জিপুতরেলো চব্বিশগ নিকালতাঙাই । ওতাইলে দল নাকরেকুরা থাইতাইতা । দেখাতাঙাই গাও এহান হুনার রাজ্যহান অইতই ! কিন্তু, শরাৎ, কর্ম দিবস যতইতির এরে হুরু কথালাে আমার ভিতরে হিংসা নিন্দা বর্ষকরানির কুনে অর্থ আছেতা ? আত্মগ কায়াগ এরেদিলে ওগর গজে আর আমার মালিকানা আছেতা ? আত্মগরতা দল আছেতা ? ওহানে হাব্বির চরণে মোর হেইচাচুটি এরে লেইরাপা কর্ম এহনাত হাব্বিয়ে আকতা অয়া নাম হুনিয়া, প্রসাদ লকরিয়া, খুড়াগাছির মারুপগর, জেঠাবাগাছির বেকগর, এ অধম এগর পিতৃদেবর আত্মগর সংগতি করেদিক । ”মহিম বারো দণ্ডবৎ অয়া হমা দিয়া কথা-

হান লমকরল ।

বরজোই মুক্তিয়ারর ঔনাপা সিঙ মুকসিহান দিয়া মাতল “মহিম বাবা, তোর বাইচিল ঔহান মি হারপেইল । গিরিগিথানী চেইক মহিম এগ আমারতাও শৌগ । তা এ কাফ্রামে এহান ছাড়া আর কিতাও মাত । আকবেদে তার বাপকর মারূপমাসাঙ, অন্যবেদে সাকেই লকেই হাবি । এবাকা লু করে খালকরিয়া চেইলে ‘দেখা যায় যে’তা নিরূপায়; কারে থয়া কারে বেলতো ।

“না—না খুড়া—”

“হাতে, ব বাছা, ব ।”

“হাতে”, মহিমের দাবিয়া বারো বরজোই মাতল, “দশে য়াকরলেতে মি কথা আহানলো লমকরিঙ । মিরতাগই দৌ অনার আগে জিপুতরাং, লকেইরাং বা মারূপ মাসাঙরাং তার কর্মহান কুঙ-গদে অনা ঔ সম্বন্ধে কুনো বাক্য মাতে থাইলেতে ইমে তার বাক্যমতে কর্মহান অক, কিতা বুলিরার ?”

“ভালো, ভালো, ভালো ।” হাবিয়ে বরজোর প্রস্তাব এহানরে সলকরলা । বরজো আজি চানাপ্পা মুক্তিয়ারর থাকে কাইল, ঔহানাত সন্দেহ নেই । তার মেইথঙহান এবাকা সভাহানাত হাবিত ভালইইল পারা । মহিমে পিছে কতো হন্না করিয়া চেইল কিন্তুু কানা নাইল । ঔবাকা তা তার শেষ কথাহান জানেইল, “গিরিগিথানী, মোরতা আর নিয়াম মাতিলতা নেই । বরজো খুড়ার কথাহান ইলয়া মাতুরিতা, দৌ অনার আগে বাবাই মোরে কথা আহানতে মাতেছিল । এরে ধনো জেঠাবাও মুঙে আছিল । হাবিয়ে ঝুম মারিয়া হুনতারা । মহিমে মাতল, “বাবাই মতেছিল — ‘মহিম বাবা, মি দৌ অইলে ফুল এহানতে নিয়াম দিম মাংকলর খুটাগত নাথইছকো বাবা, যত চালাক করে পারর গংগাহানাত সমর্পন করে দিহগা । মি, বাবার বাক্যহান লগে দশরহানও থনা থক । মি আর দিন আহানও ডিল-করানি নামনাউরি । কালি শয্যাহান কাৎকরিয়া পটরু ফুলহানলো বৃন্দাবনে যাত্রা করানি মনেইলু । তেবো, মি বারো হেইচা করৌরি দশ গিরিগিথানীয়ে মোর হেইচা এচুটি হুনে দিলেতে গাওদেশ বেলেয়া দূরেইত বৃন্দাবনে শরাংহান কিয়া করতৌতা ? মি মনাউরী—”

‘বৃন্দাবন’—কীনুংশীপা শব্দগ। যোগ কানহানাত ফৌঅনি ফাৎ-
নেই বরজোর আহিথম পানিলো টিপ্ টিপ্ অর। ও শব্দ ওগ এবাকা
মহিমর থতাত্ত হুনানির লগে লগে অনথকপা বিপর্যয়হান—বরজোর
আহিথম কড়িগি অইল, মিলেওহান তঙাল অইল, মুকসিহান চানাপ্পা
মাওইল। হায়, বৃ-ন্দা-ব-ন। এবাকা কাইলগা মুক্তিয়ার বরজোরে
থাকে থাকে লামাদিতে দিতে গেলগা কালি রাতিকার, খলছপার
আধারর আতলপা বরজোত বারো লামা দিলগা। সভাহানার কুনো
কথা আর তার কানে না ফৌঅইলগা। এবাকা তার কানে মনে
বাজেরতা হুদা দুহান কথা—

কালিরাতি লেহাউগাউবীর, “মি বৃন্দাবনে যিতৌগা, বৃন্দাবনে
থাইতৌগা।’ আজিকার মহিমর, ‘পউরু ফুলহানলো বৃন্দাবনে যাতা
করানি মনেইলু।’

তুলান্তুলি কথা দিব্রয়োহানিয়ে বরজোর মুরগ তপ্তা করে দিল।
আতলপা মিহুলগই বরজোরে পুরাপুরি হাপদিল।

‘পউরুহে বুলেরতা, মি এগদে থাইতে মারুপ মাসাঙলো হৌগ-
দেনেই এবাকা—’ চিন্তা এহান মুরগত আহানি ফাৎনেই মিকুপ
আহানও আর এপেইত থিতি অয়া থা নুৰাবল বরজো। এপেইত্ত উঠা-
নির সুতি চেয়া এক্কাবারে বেখাপ্পাত আপ্পানে মাতল, “হাঃ, বৃন্দা-
বনে যানা লেপছৎগইতে কিয়া বুজন ডাকলে? আমারতাতে ঘরে
কাম নেইথাও? উঠো, নীলোমাধব নন্দবাবু উঠো, লমইল, কথা
লমইল, উঠো।

ওতা বুলিরাও তা আকখুলাগ উঠিল কিন্তু লগে আকগ না উঠল।
তেব তা কারেও না বাছেয়! ঘরগ দিশা করিয়া উর উর আটানি
অকরল। পিঠিয়েদেত্ত হাবিয়ে ডাকলা, কতগই বেভার বাগানির
কথাও তুলল। কিন্তু আকতায়ো তারে আলকরে নুৰারল। ভিটাগর
থওহান লালয়াও আধারহানত লাহুলে খাওয়া উবা অইল বরজো।

“ঘরগত কুনো সাড়াশব্দ নেই। ইমেতে রাসর এলা দিয়া দিয়া,
শৌরে ডাহে ডাহে ডঙ ডঙ করিয়া থাইরীগ, এবাকা ইরিওপারিও
নেইতাতে, না গিয়া হুদেই—”

বরজো ধাবহানলো গিয়া মাঙকলে ফালহানলো কায়া, দুব্বারর থম্পাগি ধরিয়া ভিতরে মিলেও দিয়াও দীঘল ঠুনিংশা আহান বেলল । দেখল, লেহাউচাউবী হিরিঘাম সৌঅয়া তার কুপাওহানাত হাজাছে তপ্তা ভাত ঔতা হারৌ হারৌ অয়া স্নমকরে দেনাত লাগেছে । বরজো পিঠি বুলন দিল । তা তার মুঙর চুলকাতা ধরিয়া চুরিতলেদে জিওধরে চেয়া 'হাইস' বুলিয়া গুরিনেই গাছজারির সানে 'ধপ' করে বহিল ।

আধার চুরিতলগত ঘরে ভিতরর থম্বেইহান দিশা করিরা কেরবও আগ চঙ করে ফালদিল । কিন্তু মেকাটা অরে ভরদিয়া ফালদানিয়ে ফালহান সুনান্না উবা দারিগত সেচরণ খেয়া বারো তলে পড়িল ।

● —২৮ই আগষ্ট '৮৩ইং

মেষ্টরী ধ্বজোর মরণ

কালচিঙেইর আকাকহান । গাও এহান কাল মহরি আনানর
ভিতরে ডিগলগ অয়া ঘুমজিয়া আছে । শাচাকগ মুওর হাগহানাত
ডুকডুকান । কুনো সাড়াশব্দ নেই, নেই লিরি লিরি বৌও । এ
নিজ্জন প্রহরে আতর লাঠিগত ভর দিয়া, মুঙেদে হেইরাপ নঙিয়া
তার ঘরগদে জিওধরে চেয়া ঝুম মারিয়া উবাছেতা আশী বছরর
ধ্বজো মেষ্টরী । উরেছে আচালার চুটিগ, পিদেছে খুন্তেইহানর মক্-
তক্গ এমনকি নুকুনগাছর সুমুরুগ পেয়া নিথর অয়া ঝালছে ।
তার চুল ধলা আছে, দাড়ি ধলা আছে, পিচুমর চুল পেয়া ধলা আছে
কিন্তুমান আহির কালাপুরাগিতে ফলি ধরানি অকরলেও চানাপ্পা
ধলাতে নাছেনাইকো । এ বয়সেও ঘর এগ, বেটনে বেটনে তা মাରେছে
লুবা ওতা মেয়েক শেওকরে দেহে পারের । এগ তার ঘরগ,
তার ঠৈগ । নিজর কামাইর হকলো, নিজর ভিটাগত, নিজর
আতলো কতো মেনত করিয়া হংকরেছেগ । ঘর এগই তারে যোগান
দের আরাক কত বছর জিংতা অয়া থানার আসাংপা হপন । এগই
তার দল বিলহান—যেহানাদে চেইলে দেহে পারের হ—অতীত দিনর
নানান দৃশ্য কিন্তু হায় ! আরতে এ মরমী দৃশ্য এতা দেহে নুঝারতই-
তাকো । আজিকার এহানাই লমইলগা দেহানিহান । ওহানেছাৎ,
কালচিঙেইর আকাক এহানাত আধারে বুরেছে দলবিল এহানাদে
ঝুম মারিয়া উরাদারা তা চা বেলারতা তার পইলা জীবনেত চিনকরিয়া
আকেইহান করে হাকি দৃশ্য । এরে এরে তা দেহের—

* মালক, বাপক, বেইবুনি মিরাসমাটি ভিটাগ পেয়া নেই তেরো

বছর শৌগ ধ্বজো । ব্রজচানর বস্ত্রভগিরির ঘরে কামে থায়া থায়া গাবু-
রাপুৰাগ ফাইলহা । কনাকর তার নপ্ গারিগ বলিল্ বলিল্
অইল । গাবুরাপুরার স্বাধীন মনহান পাংকালপা আতহানিলো আর
মানুর ঘরে থানা নাদল । বৃহস্পতিবারে, মাহেন্দ্রযোগে, কলা আক্-
কান্দা কীৰ্ত্তনর খুন্তেই আহান বারো পইসা সিকি আগলো সাজারাং
অয়া থাবাল মেস্তরীরাং অজা বরের ধ্বজো ।

* স্বৰ্ণ নয় বছর অজা থাবালরাও থায়া থায়া নিনি ধারানিত্ত চিনকরিয়া
আনকলো চেইলেও হারপানি চিল তক্তা বেটনর জুড়া দেনার
কৌশল লমকরল ঘরর বাট নিকালানির গুপ্তমন্তু অজা থাবালে তার
হাবিত বানার পড়ুবা এগরাং সিলকরিয়া বর দিয়া বিদায় দেব ।

* বারোমুনি বারো কাদার তিনচারি গাঙে ঘরর পিছে ঘর হংকরের
ধ্বজো মেস্তরী । বছর বুলনে আধা কিয়ারর ভিটা আগ বারো
ক্ষেতির বি দিকিয়ার লয়া ইকরর ঘর আগুলি লিঙখাত করিয়া
থিতি অইল ডেইডেইহারা ধ্বজো । নিজর জাঙগালগলো নিকুলিয়া
খুচুর খৌগ ধরিয়া ওরে তা থানি চেপ্টাচিরি অয়া আটিয়া যারগা ।

* টুকের গন্তীরসিং মুক্তিয়ারর ঘরগ হংকরের ধ্বজো । গন্তীরসিঙর
আকখুলী জিলক সাবীর তাপকরা গুরাচাবা, অম্বিরতো সাকল-
থেচারা থেয়া থেয়া মনহান দিয়া তা কাম করের । ভাত হৌ
বরা দিতে সাবীর মেইথঙে আফিরর ফাগুরা দেহিয়া পইলা খাওয়া
পিছে তিরাষ না মিটিয়া চেয়া থাইল ধ্বজো ।

* রামদা ঠেলেইতে ঠেলেইতে ঘামে হিনাছে ধ্বজো । ঘামে নানছে
তার মুনিথকপা চেপ্টা উদালা পিঠিহানাত তালে তালে কলে কলে
নিকুলের মাহুর অপূৰ্ব তাণ্ডব নাছাহান মুগ্ধ অয়া কূপকরে চেয়া
পিঠিত উবা অছে সাবী । তেইর আতহানাত ধ্বজোর গুরাচাবা । তপ্তা
নিংশার শব্দ আহান হুনিয়া পিঠিবুলন দিল ধ্বজো । মুকসি দিয়া
সাবীর নিকররা আতহানাক উমতিরা গুরাচাবা লয়া থতাত বরেয়া
হুৰাতহানাত বিভোর অয়া তা আহিথম জিপেইল ।

* ঘরগর গজর মারুলীগ বাধানি অরতা । আতহানাত গল্পার বেত-গাছি বেরাবেলেয়া, মুদাগিলো খাড়াইগিত জুৎকরে ঠিকা দিয়া ধ্বজোই পেটপেটেই আটেয়া দিল বাধানি এহান—বেত এগাছি ঠৈমামি চৈয়য়া 'পের্ পের্' রহিয়া খাও করলা । বাধ আকহানাত গন্তীরসিও মৃষ্টিয়ার পেলইল । আতর কামেইলো নুঙেই করে খোঁরা পারতইকো বুলিল মনলো তার আকখুলী জিলক সাবীরে ধ্বজো মেস্তরীর তাতে তুলে দিল ।

* মেস্তরী মানুগই সাবীর সানে ডাকডাক করিঁ কইনা আগলো ইকরর ঘরশৌ আগুলিত থানা; নাখাটের —নাখাটের । মুরগ ঝাকারল ধ্বজো । নিরালর ঘাম জাঙে বেলেয়া ঘর আগর রূপা যোগাড় করানি অকরল । নিক্কার কামেইর রূপা আনিয়া সাবীরাং দেৱ । তেইও মানুর আঙালুরী, মাঠা, নয়া নমুনা আদি বুনিয়া, বালা আটিয়া পেইরী রূপা ওতা সহকারে মাটিত গাতা কলো আগত জমেইরী ।

* গজে চাল ছার ধ্বজো । তলেত্ত শনর গল্পা উরা দিৱী সাবী ।

—‘কইতে, কই গল্পা থাইলতা ?’

—‘আককুড়ি হাত গল্পা ।’

—‘অ ! ওতাইলে কতো গল্পা দে ।’

—‘এরে দিলু ।’

শনর গল্পার বাধহানাত হমেয়া হাদি হাদিত ফৌঅরগা সুনুতুস্তালো হবাকরে তাপকরা গুব্বার চাবা ।

* নুৱা ঘর এগত অওয়া বৈষ্ণব সেবা আহান দিতারা । ঘরগর বাটহান দেহিয়া হারৌ অয়া অজা থাবালে বর দেৱ, ‘ধ্বজো, মোর বাবা, অনথকরও হারৌ অইলুকো । বর দেউরি পুনচি পালয়া থায়ো ।’

* হুদা ঘরগ চানাত গুট গুট মানু আহিতারা । তানুর মেই ঙাককরতে পানা দিব্গুসির পটা দিব্ফাই আধা হমার । যিতেগা বাখান করতারা—

‘আহ্, ঘর বুল্লেতে এতা, কিরো বাটহানহে ।’

‘অবায়ো, খিড়কির পছন ওহানিরে হুরু হুরু অয়া, আহ্’

‘চাল ঔহান নেমত্ৰিক অয়া লামে গেছেগা হবা এহান চেইরে ।’

* গাওর চাম্পালালে বিন্দুর পুতকর রাখুৱালে ‘গোৱালগ হাজিয়া দইর টুপিগিলো ফালুত বছে ধ্বজোর মুঙে হস্তক দিয়া এলা দেৱ—

‘বৃন্দাবনেত আহিতে দেখলু ‘তাজমহল’

বারোমুনিত দেখলু আয়া ধ্বজোর সেনামহল ।

বাটরমা নেই কুনো পান্তামনা

উহানে হুন্যর তুলো দিলুতা তুলনা ।’

* ‘অঙা—অঙা অঙা ।’

ঘৰে ভিতৰেত একাকী জৰম অইল তানুর পইলা শৌগর নাৱগ হুনিয়া ধ্বজো উঠানেত আকফালে মাংকলে কাইল বারো কী লাজ আহানে মূৰগ খাজুৱা খাজুৱা উঠানে লামিয়া গাণ্টাহান লালৱগা । ভিতৰেত নৌকালপীগই লৌদিৱী, ‘মুনিশৌগ, মুনিশৌগ ।’

* সুকোমল, ধ্বজোর জেঠা মুনিশৌগ মিলিটৰীত চাকুৱী পেয়া বানৱ দৌ হমা দিয়া যাৱগা । বছৰ বুলনে য়েইমাপা পৰিমলও । ইমে মিলিটৰীত । বিমল, হাবিৱ খুলা ঔগ ঔৱে কলেজে সালছে ।

* নিৱন্তৰে—এ ’ মাংকলৰ লেৱিকউলাগিয়ে পাথাপ আহান দিয়া লমকৱলা । সাবীয়ে বিৱণৰ কাপক হিচিয়া, লেইচন্দন হেই-কৱিয়া জেঠা পুতক সুকোমল বারো পইলা বহকগৱে আহে আহে ওককৱিয়া ঘৰে বৰেইৱী । ধ্বজো মেস্তৰী বৰ কইনাৱ হমা লম্মা মাঠিয়াদেৱ, ‘পুনচি পালয়া ঘৰ এগ ঙালকৱিয়া—’

‘কা-কা-কা’ অহো কৌৱা ৱহিলা ।

বিয়ান ফুৰেয়া হদেইল । আশীবছৰৰ ধ্বজো মেস্তৰীৰ বুক এগ থুক কৱল । হায় ! আজি সাবীও আৱ নেই ঔ দিনও নেই । আছে ঘৰ এগও আৱাক থানিপপাৱা পিছেদেতে—আচালাৱ চুটিগলো আহিৱ পটপি পুছিয়া হাগহানাদে অজা থাবালৰ বিদেহী আত্মগৱাং নিৰুৱা আতহানিলো আত জোড় কৱিয়া ঔপেইত তাপ্প সেচিল ।

বেলীহান চানাপ্পা বেঙ আহান কায়া হুদেইল । মেস্তরীগি খুচ্চুলো উঠানে ফৌঅইলাহা । রাজমেস্তরীগি, ধ্বজোর ঠৌনা রুক-রতা নাগই । ধ্বজো উঠানে নিকুলিয়া তানুরে ওককরল । বয়সে কনাক মূল মেস্তরীগই অজা ধ্বজোরে হমা দিল । ধ্বজো তারে মাঠিয়া দিয়া মাতল, 'পুনচি পালয়া থাইছ বাবা, বহো, বহো ।' উঠানে পারেছি নিজর আতে হংকরা রুকর পিড়াহানিত তানুরে বহুরেয়া সাঙগদে গেলগা ।

গাওর মানু পুলইলা । ঘরগর বারপজাতে গেলগা কালি সাঙগত অঙইতে এরনাও হাবি থেই করেছি । বাদবাকী যেতা আছিল এবাকা হাবিয়ে পাংলাক করিয়া ঘরশৌ এগ চানাপ্পা হুদালা করলা । ধ্বজোর বহক ওগ হউরকরে হজকারি দিয়া কামে গই লাগেছে । সাঙগর মাঙকলে পানা তাংখা কাপিয়া বছি গাওর ইবেল দুগ, যাত্রাগ কৃপতে লাগতই বুলিয়া । উঠানে সুকোমল, পরিমল বারো বিমল তিনোগিরে বেড়ি দিয়া মেস্তরী ওগি বারো গাওর মানু ওতা নুরা ঘর এগর যারিলো গনচাল অছি । দুরেইত কোণ আগত বয়া কুনো কথাত হমা নুরারিয়া ঝুম মারিয়া হুনের বুড়া বাপক ধ্বজো । হজকারি লাহুলে ডহিয়া যারগা ।

'ঘরগ ডিগলে বিশ বারো পাথারিত আট ফুট । মুঙে কুঠা দুগ থাইতই ।' মিলিটারী সুকোমলে মাতের, 'রুক আর না ছকই-লাও । আজি কালি কানা নেই । ইমে তিন ইঞ্চি বালগ চারিও তরফ্ কা যিতইগা মি সিরিফ্ দু মাহিনার ছুটিতে আহেছুগ । এহানর ভিতরে ঘরগ জরুর খতম করানি লাগের ।'

'খিড়কিতে কিসাদে ? ইমে এ সাইজে ?'

'না-না, এতাতে পুরাণা পছননাই । চারি পাটির ডাওর খিড়কি—মেঙশেলরতা । খরচতে রুকর বরাবর ।'

'মাটিঙ আড়াই ফুট গছে খিড়কিহানি ।'

'এমাটিক তলে ।'

'আজিকালি এহানে নিয়মহান । মি জব্বলপুরে দেখলু ওগতে—'

‘চাকামহানতে কিসাদে ?’

‘পিঠির টেপে, চুল্লি সিস্টেম। ঔতাইলে আর ধুমার য়ারি নেয়ইল।’

‘ঔতাইলে ফুংকা কিতাতে উঠাত পড়িলছাৎ।’

‘জরুর।’

দূরেইত বছে ধ্বজো মেস্তরীয়ে, মাতল, ‘হেই ফুংকা আহান থাক এ, সময়সময়ত—’

‘না-না-না’ বিমলে কথাহান থেপকরল, ‘চব্বিশ ঘণ্টা জ্বিগ থাই-লেতে লমইলনাই, ধুমালো দলানগ মজা মনগ অইল। আগে দিয়া-শল না নিকুলেছিল উবাকা ফুংকা লাগিলতা এবাকা না লাগের। মনেইলে স্টোভ আগ থইতাঙাই। না কিতা ?’

ধ্বজো আর না টটরল। টটরেয়াতে কিতা। এবাকাতে তানুর মুলুক। মনে মনে মাতের, ‘বাবা বয়স আলথা অইলে ফুংকার কদর আপ্পানেও হারপেইতাও। মাঘর জার আহানে আহেরতাই কাকালি এহান হেদিল ফাম আহান নেয়ইলে রাতি উতি—আর খালকরিয়াতে কিতা কানা। তানুর পছনহানে জিঙেনাই।’

গাঙর বামনগ নামসা-কনক পিদিয়া ফৌঅইলহা। এপেইত বছি এতারে মাতের, ‘কইতে সুকোমল, আজিতে যাত্রাগও লিঙখাত করানি বুলরাই। ঘরগত ধরবাইনাই, বয়া নাথায়ো। দণ্ডগ য়ারগা।

‘বাই পুরান্না ঘরগুলিনা। এগুলি বাগতেতে আর কতি সময়খাও। হাবিয়ে ধরলে মিকুপহানাত—’মুঙর লেইকির তাংফাই মাতল।

‘হায় ঔতা ধরো। কইতে, এইরা তাংখাতে ঠৌরাও অইলতা ?’ হাবি উঠলা। মেস্তরীগি যাত্রাগরকা সিরমিট লেঙৌ বারো হিল-শৌলো মশলা উটাত লাগলা। সুকোমল, পরিমল, বিমল বারো পুলছি মানু ঔতার কতোগ দা বানুক, জাম্বুরা ধরিয়া ঘরগর গজে কাইলাগা। জিপুতরে দা বানুকলো টুপ্লিগত দেহানিয়ে ধ্বজো মেস্তরীরতা থুক করল। ‘অবায়, অবায়’ ধ্বজোর বুকগ দরফর করের। হুতুমেও ঘর এগ বাগাত কাইলাগাতাকো। নিরালর ঘাম জাঙে বেলেয়া হংকরেছে ঘরগ। গাঙ এহানাত তার আতর হংকরা ঘর আর আকগও নেয়ইল। আদ্যেকার ঘর বুলিয়া হাবি নুঝাতালা

পটেইলা । তা মরে গেলেগাও তার নাও এহানতে জিংতা অয়া
 থাইবতা বুলিয়া একমন অয়া মজবুত করে ধ্বজোই হংকরলগ ।
 আজি তা জিংতা অয়া থাইল বারো তার আহির মুণ্ডে আকেইগি
 আকেইগি করে ঘর এতা মেইমুত অইল । ইমে আকগ ধ্বজো মেস্ত-
 রীর আচানক বেটনর জোড়া খিড়কির নুৰা পছন বারো অজঃ
 খাবালর ঘরর বাটর গুপ্ত মন্তুলো ঠৈ ডুকডুক করিয়া আছে নিজর
 ‘সেনামহল’ এগুলিও নিজর জিপুতে বাগাত কাইলাগা । অমাটিক
 চালাক করে পুরান্না অপড়িলগাতা । ঘর এগই তার ঠৈগ, এগ নেয়-
 ইলে ধ্বজো মেস্তরীও নেই । ‘অবায়ো মাভে মাভে চালর শন হাবি
 জুরজুর বেলানি অকরলাতাতে ।’ তা লাঠিগত ভরদিয়া উবাইল ।
 মনে মনে তা লৌদের, ‘হে সুকোমল, পরিমল এ, বাবা বিমল,
 বাবাগাছি ; এ চাল এহান পইলা ছেইতে তোর ইমাই শণ উরাইলগ ।
 এ চাল এহানর তলে তুমি জরম অয়া ডাঙর অইলাইগ । এহানর
 তলে তোর ইমা দৌ অইলীগ । বানা নাপারাইতা । অমাটিক চালাক
 করে পাহুর—’

‘ঠম্, ঠম্, ঠম্,’ তুলাতুলি আতুরার বারি, বানুকর ছেদ খেয়া
 খাঙলালহানি পরপর বাগিয়া পড়িল । বারিহান লেহে ধ্বজো মেস্ত-
 রীর ছল বুক এগ ছাবা ছাবা অইল । তপ্ত! আহির পানি আহিথমে
 থাইলপথ নাপেয়া গালগি পুড়ল । তার নাতিনকে বপাকরে চেইতে
 চেইতে মাতল, ‘অবায়, বুড়াবা কাদেরতাতে !’

‘হি পাগুলী, কুংগই মাতলতা । ধ্বজো উরাদারা আহিথম
 পুছিয়া গড়েইপা মুকসি আহান দিল । ছয় বছরর নাতিনকরাং, নিজর
 জিপুতরাং গাঙর মানুরাং, তা না কাদের, দলানর ঘরে থাইতই
 বুলিয়া আজি তা হাবিবত হারৌ আছে এহান প্রমাণ করানির সালে
 ঘরগর কাদাদে আরাক কতো কাকেই আগুরেয়া আপ্পানে টটরানি
 অকরল, হেই তাম্ফা, কাদাত গুছনে । ঠাগুরশৌ যাত্ৰাগর ফামহান
 পিচে চেইছ, সেচ । গজেত্ত রুক পড়তই । সুকোমল খানি তাপ্প তাপ্প
 এ বাঙেদে ধর, বেশ । হেই, তম্বাগিরির পুতক, কিনাও থাঙে খানি
 ধরগানে বাবা—অবায়, উঃ, উঃ, উঃ—’

‘ঝরম্’ মুঙর বেরহান, ঘর এগর লমইলগা বেড়হান পড়িল ।

স্বমকরিয়া আছিল বেড়হানি বাগানিয়ে ঘর এগ চানাপ্পা কংকালগ
পারা অইল। মুঙর দুৱারর লামছে থম্পাগি, ফামে ফামে য়ালছে
বেটনর তুপ কংকালগর জাঙআতর আড়র ডেকি নিরুপায় অয়া লরে
লরে থাইল। ওহান দেহানিয়ে ধ্বজো মেশুরী মনহান ধরে নুৱা-
রিয়া লাঠিগ সুন্দা আতহানি গজেদে তুলিয়া লৌদিল, 'হায় ভগৱান—'

ঘৰগরে লগেই আজি মেশুরী ধ্বজো মরিল। হায় মরিল। মানু
এতা বীভৎস চিকারিত মাওয়া গেলগা তার অন্তিম ভৌগ আকগয়ৌ নাহু-
নলা। অজা খাবাল বারো আৱাক তিনগ বিদেহী অজাৱেন্লে
'হরিবোল হরিবোল' ধ্বনিলো তানুর লগর ধ্বজো মেশুরীৰ মরদেহগ
লেম্পালে কৰিয়া গাণ্টাহানাদে নিকুলিয়া গেলগা আকগয়ৌ নাদ-
খেলা, নাহুনলা। উঠানে, লাঠিগত ভর দিয়া, হেইনৌৰ পাতা বারো
সিন্দুরলো হাজেইতারা যাত্ৰাগর লুৱাৰ ৰডগদে চেয়া, আত আহানাত
দলান ঘরর যাত্ৰাৰ ধনুকহান ধৰিয়া উবায়া বাঁছেয়া থাইল সাবীৰ
নিরুপায় পতিদেবো, সুকোমল পৰিমল গাছির পিতৃদেবো আশি
বছরে ধ্বজো।

৯ই এপ্রিল '৮৩ ইং

পলাও

সময় নেই, সময় নেই । হাবি উরাদারা অছি । এ স্টেশনর লমইলগা ট্রেনহান উবা অয়া আছে । থানিপারা পিছে এরে দিতই । টিকেট ঘরে লেনদেনর ক্লাইম্যাক্সকান চেলছে টিকেট মাস্টারগরতা নিরালর চুলগাছি সেচেইল সুরাখ নেই । দুৱার পাঙেঙর মানুরতাও বাছেইল সময় নেই । টিকেট আতে পানাই ছুট । ট্রেনর ডাক্বা এগি নুৱা দিয়াশলর বাক্সর সাদানে চন্ম বুজেছে । প্লাটফর্মহানও লেইরাতে নাছে । ফাম নাপাছি যাত্ৰী এ ডাক্বাত হৌ ডাক্বাত ধাবদা ধাবদি করতারা । হুৰু হুৰু চাহার স্টল, লেরিকর স্টল বারো মনোহারি দুকানর মুঙে ছপা ছপা অয়া মানু উবাছি । পাক্সার কুঠাশৌ আগর মুঙে পানির পাত্তু ধরিয়া উরাদারা পুলছি যাত্ৰী দাপা আহান । কুঠাশৌগর ভিতরে দলা ফিরে পিদেছে সেবারী বেয়াপা আগই লিক্লিকা পিল পানি বিলেইরী । থিড়কীহানর গজে ডাঙর ডাঙর করে ইকরা আছে ‘ড্রিংকিং ৱাটার, পিনে কা পানী—অর্থাৎ বিশুদ্ধ পিনার পানি । মোটকথা স্টেশন এগ অম্ অম্ করেৱ । ঔতার গজে ইঞ্জিনগর ফু’স্ ফু’স্ গুজুরণ, আৰ্ এম্ এম্, ট্রলির ঘ্যাচ্-ঘ্যাচাং কৰ্কশ রহন, কুলি হকারর চিকারি, ডাক্বাই ডাক্বাই ফামর কৌলি আকসাটে কান কালুৱা করেৱ । এতা হাবি কৰ্কশ রহনর হাদি ফেরিয়া যাত্ৰীর কানে হাদি হাদিত টঙ্ টঙ্ ফৌঅরগা মরণ যন্তণাই অস্থির বেয়াপা আগর পানির টাটিয়ে বুকফাটা অস্তিম চিকারি, ‘বা—বু—পা-নি—আহ

‘ঘ্যাচ্ঘ্যাচাং, চা গরম চা গরম’

‘বাবু, পা... নি... পা—’

‘হাঃ হাঃ হাঃ হাঃ, বেগম শাহাজাদী, এ দুনিয়া, এ সংসার, মরু-ভূমির মরিচিকা, হাঃ হাঃ হাঃ ’ ছিড়িং ছিড়িং আঙেই

পান্টুনর রাজপোষাকে, বাগা প্যাকিং বাজর সিংহাসনে বছে পাগলা নবাব এগর ফাক্ফাক্ আহানিত বাহিয়া আছিল অন্তিম চিকারিগ মাউইল কিন্তু বারো নিকুলিল 'বাবু পানি',

বেয়াপার এ করুণ চিকারি এগ বাহিয়া আহেরতাই প্লাটফর্মর একেবারে হৌপটে, অফিস ঘরর মাংকলহানর কোন ঔগত । য়েপেইত নুয়ারা ভিখারিণী আগ মরণ যন্ত্রণাত গড়াগড়ি বেইরী, কেকেইরী, চিকারি দিরা, 'পা—নি—পানি' । তেইর গারিগ দেহিয়া মাতানি চিল, মুনিগ না জেলাগ । কঙকালগরে চামহানে উপায়নেয়া বেয়েয়া থেছেসুৰাই । মাউর চিনৎ নেই । আতে জাঙে, মেইথঙে লেহানেই ঘা । তেক্তেক্ করের, মাচুম পড়ের, মাছি বন্বন্ করতারা । কুষ্ঠ ? কিতা বুলতাঙ । কুনো ডাক্তরর আতর পরশ নাপেয়া ঘা এহানি মাছির পাহারাত তানুর কুমারী সতীত্বলো নিয়ামদিন অইল পালয়া আছিতা থকয়া মাতানি চিল, চুমকার ঘা না কুষ্ঠ । অফিস মাংকলহানাত গড়াগড়ি বেইতে বেইতে পেইরাক চিতগ অইলী । বুকর আড়ছপা পারেঙ পারেঙ অয়া নিকুলিল । পেটর চামহান পিঠিত লাগিলগা । লেঙ্গপালেত জাঙরপাতা পেয়া প্লাটফর্মেত দেড়ফুট উচ অফিসগর মাংকলে থাইল বারো মুরগ দারির পটেত য়ালইল । অউলি জউলি চুলকাতা তলর প্লাটফর্মহানাত সিতালল । মেইথঙহান উল্টানিয়ে খতার কল্লুক উজেয়া আহির পটগদে বেয়া, আহির-পানির লগে তিলয়া মাটিত পড়িল । দুঃখ তিরাসর সঙগমে মরণ-কালে তেইগর তেলাই, গাতে হমাছেগা আহিথমরে বুদ্ধকো নিকালেয়া, প্লাটফর্মে পুলছি ডাঙরিয়া গিরিগিথানী এতারে বিল্‌বিল করে চেয়া চিকারি দিয়া তেই মাগিরী, 'বাবু পানি-ই—আহ, পানি-ই—আহ' ভিখারিণী এগর অন্তিম প্রার্থনা, এচিকারী সত্য জনঅরণ্যত প্রতিধ্বনি তুলে নুয়ারিয়া ইঞ্জিনগর বিকট গজ্জর তলে আত্মহত্যা করলগা । কপালখিপী ভিখারিণী এগরতা এবাকা টেণ্টেলা সরসাদানে নাতাহান । তেইর চারিবেদে পানিময় । চাহার শটলে, হোটেল, পিল্‌ পানি বিলেইল কুঠাশৌগত বেমল বেঠা পানি কিন্তু মরণকালে তেইরতাতে অটগি তিঙেইল ফোটা আগ পেয়াও নেই । কুঙগই দিতই ? চাহার শটগর, হোটেলর মালিক, পানি বিলাকুরী বেয়াপা আকগও না আঙবেইলা ।

কারণ, এ গলাপচা, ভিথারিণী এগই পিতই গিলাস ঔগত আর কুঙগই পিনা য়াকরতই? বারো, এহানতে নিক্কার ঘটনাহান, কইদিন কইগরে দিয়া জারতাই? বিবেক দেহেইলে বেপারে বারোটা । ভদ্রযাত্রী ঔতা? আইনর বেহু আগতে আছেনাই । এক্সাকা মরতই এগরে পানি দিয়া লগে লগে মরে পড়লেগা কত হেঙগাম । পুলিশর জেরা, পানিত হুপালয়া মরেছে কিনা ঔতার পোষ্টমর্টম্, সাক্ষী—কী দরকার । খানিঙ্গারা পিছেতে ট্রেনহান দিতই, লমইলনাই । হায় আইন, আহির মুঙে মানু আগ এক্সিডেণ্টে, ছরির বিদা থেয়া অথবা পানির টাটিরে মরতে সেবা করিল খৌতাল নাদিয়া থিন্ত ক্হে দেব । আইন হুদা মানুর রক্ষাকবচগ নাগই, মানবিকতার বকলস্গাছও অছেতাকো । আইনর মাতুং ইলয়া নেতা থাকর যাত্রী দুগ আগই স্টেশনমাষ্টরগরাং নালিশ করলাগা, পরিবেশ দোষী-করণর তর্কলো টেবিল থাপারানি অকরলা । হইপৎ পড়েছে স্টেশন মাষ্টার ঔগ নেতার জ্বালায় জারে নুরারিয়া হাসপাতালে বারো রেলবে পুলিসে ফোনে জানা দিয়া চুরুট আগ লাগেইল ।

হৌগদে বুলতে ভিথারিণীর চিকারীগ হাতে হাতে নিস্তেজ অয়া আহের । খৌনাগর ভিতরগ পেয়া হুকে যারগা । অন্তিমকালে তেই আর পুলিশর লাঠি নাচেইরী ডাক্তরর কুচ নিরাল নাচেইরী হজক নাচেইরী ; তেই চেইরী আকফুটা ইঙ পানি । তেইর এক্কেবারে মুঙেদে হকার আগই লৌদে লৌদে গেলগা, ‘চাই থাম্‌স্ আপ্ কোল্ড ড্রিন্‌ক্‌স্’

‘চাই চাই ।’ হায়, তেই চেইরী । বইতল আগ হাবি নাগই ফুটা আকগ । কিন্তু কই, থাম্‌স্ আপর বইতলগি বড়ি আঙুলিগি গজেদে তুলিয়া তেইরে ঘণ্টা দেহুরেয়া দুরেইত বেলেয়া গেলাগা । বইতল এগি যেমন ঠেলাঠেলি দিয়া খলকে খলকে আহে আহে তানুর ‘টুঙ টাঙ’ ভাষালো মাতিয়া গেলাগা, “আপাংপী, এতা তোরকা নাগই, ঔরে গাড়ীহানর ভিতরে বইতে বইতে ঘাম সৌঅয়া হিনপাছি ডাওরিয়া ঔতারকা ।” হায়, চেইলেইতে নারনাই, দেকুরা কই? হাজার হাজার নানু তেইর চারিবেদে কিন্তু থায়াও নেই ! হাবি চাকুরি, স্বার্থ, আইন বারো আভিজাত্যর পলাঙে বন্দী ।

কপালখিপী ভিখারিণী! মুরগ ঝালনিয়ে উল্টেছে আহিথম
 লমইলগা শক্তিহানি উজার করিয়া হিনপেয়া বুলাবুলা নিষ্ফল জন-
 অরণ্য এহান লমফির চেয়া জিপেইল। তেইর কালাপুৰাগি যম-
 করিয়া নিলগা পৃথিবী নাঙর এ উন্নত গ্রহর পুরাপুরি উল্টা ছবি
 আহান। এ গ্রহর শ্রেষ্ঠ জীবো দয়াধর্মর অবতার সাক্ষ্য মানু এতারাং
 ডেইডেহারা তেই হৃদির অন্তিম কথাচুটি মাতানি মনেইল কিন্তু হায়
 ওহানও নাইল। হুকানা নিস্তেজ অটগি আকফির নিক্কারিয়াই এরিল,
 কুনো রব না নিকুলিল।

তার পিছেই হাবি হুদালা। গর্ভাবতী ট্রেনহান তাপ্প তাপ্প
 লরে লরে স্টেশনগ হুদালা করিয়া গেলীগা। বেলেয়া গেলীগা
 ভিখারিণী এগর বুকর আড়ছপার পলাঙে জরমকালে কিতায়া হমা
 পড়িয়া ডুকডুকিলো দরফর অয়া আছে বুকখুটুনী ঠৈ ওগ—মর্তর
 শেষ পানিফোটর হুৰাতহান পেয়া নালয়া। এবাকা তেইর কাদাত
 আকগও নেই। হুদা এ হুদালা আড়র পলাঙ এগদে হো-পইলাত্ত
 এবাকা পেয়া কুপকরে চেবা উবা অয়া আছি বেয়াপা দুগ, নিরু-
 পায় অয়া। হিয়রগদে উবাছে, শান্তি বারো সেবার কাজে নোবেল
 পুরস্কার পাছে বিশ্ববিখ্যাত মাদার টেরেসা, আহির পানিলো ডিল-
 ডিল করিয়া বারো জাঙদে, আশীর্বাদর ভগ্নিলো আতর তারাহান
 তুলিয়া অপরূপ মুকসিলো আছে ‘গরিবী হটাও’ বাণীর জন্মদাত্ত,
 ভারতর প্রধানমন্ত্রী ইন্দিরা গান্ধী। তানুও এ ভিখারিণী এগরে অত-
 বিল পানি আকফুটাও দিয়া নুৰারেছি। কারণ, তানুও নিরুপায়।
 হায় নিরুপায়। কিয়া বুন্নে, তানুও বন্দী। মাদার টেরেসা বন্দী
 বুকখুটলর মেঙেশেলর আলমারিত, লেরিকর মলাটে। ইন্দিরাগান্ধী
 বন্দী স্টেশনর দেয়ালর ইলেক্সন্ পোষ্টারে—

‘প্রগতি আউর সমৃদ্ধিকে লিয়ে’

‘কংগ্রেস (ই) কো ভোট দিজিয়ে’

—এ দিবয়ো পারেওর ছিপাগত।—

২৫ই জানুয়ারী’৮৪ইং




(পইলা প্রকাশিত য়ারিহান— ‘গত নেই ফুল’ ‘বরাক প্রবাহ’ত
নিকুলানির লগে লগে পইলা প্রাপ্ত পাঠকর চিঠির অংশহান’)

□ ‘প্রিয়বরেন্দ্ৰ,

...বিষ্ণুপ্রিয়া মণিপুরী ভাষাত আজিপেয়া প্রকৃত য়ারি
আহান না পাকরেছু। হাবি কৃত্রিম। মেলোড্রামাটিক। তোৱ
য়্যারি এহানাত প্রকৃত য়ারির লক্ষণ বারো রসহান আছে।
পাকরিয়া নিয়াম তৃপ্তি পেইলু। ভাষার গঞ্জে তোৱ দখল
উহানো ঈর্ষণীয়। ইচুদিন পিছেদে কনাকর লেঙে প্রকৃত য়ারি
লেকরেকুরা আগ তোৱাং পেইলাং। ‘ছোট প্রাণ ছোট ব্যথালো’
সামাজিক সমস্যা আহানরে --যেহান *nothing special*
রূপ দেছং ঔসাদেতা আর আজিপেয়া না পাকরেছু। এহান
উচ্ছাসহান নাগৈ— মোৱ সৃচিস্থিত মতহান।

.. গল্প এহান পাকরিয়া মোৱ হতাশাহান দুৱেই অইল।’

—ব্রজেন্দ্র কুমার সিংহ



□ ‘...মননশীল ছোট গল্পকাৱ স্মৃতি কুমার সিংহর আবির্ভাব
এহান বিষ্ণুপ্রিয়া মণিপুরী সাহিত্যর যুগান্তকাৱী ঘটনাহান।
.. স্মৃতি কুমার সিংহর সংবেদনশীল সৃষ্টি মাহুৱ পুংনিঙে দাগ
সৃষ্টিৱ ক্ষমতা থৱ।’

—সাহিত্যর লগে সমাজর সম্পর্কহান কিহান

শ্রীসাংবাদিক : বরাক প্রবাহ

৩য় বর্ষ ॥ ১ম সংখ্যা ॥ ৪ জুন ১৯৮২ ইং

□ ‘নরসিংপুৱর স্মৃতি কুমার সিংহর লেখা যদিও নিয়াম
প্রকাশিত নাছে, তথাপি তাৱ যে দুহান আহান গল্প নিকুলেছে
ঔতাৱ মাঝে তাৱ প্রচণ্ড দক্ষতাৱ জাজল্য প্রমাণ আছে। তাৱ
ইকরা ‘কেথকপী’, ‘গত নেই ফুল’, ‘কোহাঙ’, ‘মণিদা
বেলেয়া গেলগা’ নাঙর ছোট গল্প অত্যন্ত হৃদয়গ্রাহী।’

—ডঃ কালীপ্রসাদ সিংহ

প্রবন্ধমালা (প্রথম খণ্ড)